

ጳውሎስ ሮሜ አሳው ፃፊዳ ኪታ ጌሉዋ

ዩሱሲ ኪቲዳ ጳውሎስ ሮሜ አሳው ፃፊዳ ኪታይ፣ ጳውሎስ ሮሜን ዳዲያ ዎሳ ጎሊያ ያሞሳናው ቆፔዳ ዲራው፣ ኢ ባናሲ ኡንቱንቱ ጊጊዳ ናጋናዳን ኦላናሳ። ጳውሎሳ ቆፋይ ሮሜን ዳዲያ አማኒያዎንቱና ጉላ ዎዲያ ኦሌዳዎፔ ጉዩያን፣ ኡንቱንቱ ማዲና ኢሲፔኔ ባናሳ። ኪሪስቲና አማኑዋባ ባሬ ኤሬዳዎኔ ሄዋ ቃሲ አማኒያ አሳይ ኦሱዋን ፔሻና ሃናታ ቆንጨሲዳ ፃፊዳ። ጳውሎሳ ቆፋይ ኩሜንላ ሃናታን ቤቲያዌ ሃ ኪታና።

ጳውሎስ ሮሜን ዳዲያ አማኒያዎንቱሲ ሳርታ አላዎፔኔ ኡንቱንቱ ዎሳናዎካ ሂዳታ ኢሞዎፔ ጉዩያን፣ ኪታሲ ጊዶ ቆፋይ «ሚሽራቹዋ ቃላይ ያሳይ አሳ ያሊሲያዌ፣ ኮይሩዎፔ ወርሴላ ጋካናው አማኑዋና ጊዲያዋ ኦዳ» (1:17)

ሄዎፔ ጉዩያን ጳውሎስ ሃ ቆፋ አሲዳ ፃፊ። አዩሁዳቱዋ ጊዲናካ አዩሁዳ ጊዳና አሳ ጊዲናካ ኡባይ ናጋራው ዎዳቲያዎንታ ጊዲያ ዲራው፣ ኡንቱንቱ ዎሳና ሲጌታናው ኮሼ። አሳይ ዎሳና ሲጌታናው ዳንዳዩያዌ ዩሱሲ ኪሪስቲቶሳን አማኒያዎና። ዎሳና ሜዲያ ኦራላ ኢቲፔቲላ አይፊ ኦራላ ዳዑዋ ጊዲያዎ ጳውሎስ አሲዳ ኦዳዳ። አማኒያ አሳይ ዎሳና ሳሮ ዳዑ። ቃሲ ዎሳ አያና ባጋና ናጋራኔ ሃይቁዋ ዎልቃፔ ቢሌፔ። ጳውሎስ ዎሳ ቆፋይኔ አማኒያ አሳ ዳዑዋ ጊዶን ኦሊያ ዎሳ አያና ዎልቃ ቆፋይ አዩንቶ ኦዳ (5-8)። ሄዎፔ ካሊዳ ቃሲ ጳውሎስ፣ «ዎሳይ አሳ ናናሲ ቆፔዳ ቆፋ ጊዶን አዩሁዳቲኔ አዩሁዳ ጊዳና አሳቱ ዋኒዳ ኢቲፔ ዎዳታናው ዳንዳያናዎንቱሻ?» ያጊያ ኦሻ ዛራናው ባዌቲዳ ዳዑ።

ቃሲካ ጳውሎስ፣ አዩሁዳቱ ዩሱሳ አከናን አጌዳዌ ዎሳ ቆፋ ጊዲያዎ ኦዳ። አዩሲ ጎፔ፣ ሃዎ ማላ ሃናታን አሳ ዜሬላይ ኡባይ ዎሳይ ዩሱሳ ባጋና ቆንጨሴዳ አዶ ኬካቲላን ኢቲፔቲላ ኦላናሳ። ጊዶሽን፣ አዩሁዳቱ ዩሱሳ አካናው ዎዲ ያናዎ ጳውሎስ አማኔ። ወርሴላን ጳውሎስ ኪሪስቲና ዳዑዋ ዋኒዳ ዳዳናው ቤሲንቶ ኦዳ። ዎሳሲ ኦላናባ፣ አማኒያ አሳቱ ባሬንቱ ጋዲያሲኔ ባሬንቱ

ጊደን ኢቱ ኢቱዋሲ ሲቁዋኒኔ ማታን ኦፋናባኔ ቆፋ ጋሱዋን ዴንዲያ ኦሻቱዋባ ቆንጨሲዴ ኦዴ።

ሼምፓቱዋ ኡባቱዋሲ አሜቴዳ ቃንፋ ቆፋቱዋ

ሮሜ ኪታ ሁጴ ቆፋ ጌሉዋ (1:1-17)

ኣቶቴላይ ኣሳው ኮሺያዋ ጊዲያዋ (1:18-3:20)

ዖሳ ኣሹዋ ኦጊያ (3:21-4:25)

ዬሱሳን ቤቲያ ኦራሳ ዴዑዋ (5:1-8:39)

ኢሰራዔሊያ ኣሳው ዴዒያ ዖሳ ቆፋ (9:1-11:36)

ኪሪሰቲናሲ ቤሲያ ኦሱዋ (12:1-15:13)

ዉርሴሳ ቆፋኔ ሳርታ (15:14-16:27)

1 ባሬ ሚሺራቹዋ ቃላ ኦዳናው ዖሳይ ዶሪዴ ዪሴዳ ኪሪሰቶሳ ዬሱሳ ቆማይ፣ ዬሱሲ ኪሪሰቶሲ ኪቴዳ ጳውሎሲ፣ ታኒ ሃ ዳቢዳቢያ ፃፋይ።

2 ዖሳይ ዳሮ ዋይፔ ካሴ ባሬ ናባቱዋ ባጋና ሚሺራቹዋ ቃላ አማና ያጌዳዊ ዖሳ ጌሻ ማፃፋቱዋን ፃፊቴዳ፤ 3 ሄ ሚሺራቹዋ ቃላይ ኣሳ ጊዲዴ ዳዊቴ ዛሪያፔ ዬሌቴዳ ዖሳ ናዓ፣ ኦ ጎዳ ዬሱሲ ኪሪሰቶሳባ። 4 ቃሲ ኢ ባሬ ጌሻ ኣያናን * ሃይቁዋፔ ዴንዴዳዋን፣ ዖሳ ናዓ ጊዲያዋ ዋልቃማ ዋልቃን ቤሴዳ። 5 ኣዪሁዳ ጊዴና ኣሳይ ኡባይ ኣማናናዲኒኔ ኣዛዜታናዳን፣ ኦኒ ኡንቱንታ ካሌፋና ማላ፣ ዖሳይ ኪሪሰቶሳ ሱንፋ ዲራው፣ ኪሪሰቶሳ ባጋና ኣጼ ኬካቴላኔ ዬሱሲ ኪቴዳዋንታ ጊዲያ ማታ ኦሲ አሜዳ። 6 ዬሱሲ ኪሪሰቶሳዋ ጊዳናዳን፣ ዖሳይ ዪሴዳ ሂንቴንቱካ ሄዋንቱ ጊደን ዴዒታ።

7 ዖሳይ ሲቁያዋንቶኔ ጌሻባ ኦፋናው ዪሴዳ ሮሜ ጋዲያን ዴዒያ ኡባቶ ዖሳ ኦ አዉዋፔኔ ጎዳ ዬሱሲ ኪሪሰቶሳፔ ኣጼ ኬካቴላይኔ ሳርቴላይ ሂንቴንቶ ጊደ።

ጋላታ ዋሳ

8 ካሴታዴ ታኒ ሂንቴንቱ ኣማኦ ሳዓ ኡባን ሲሴቴዳ ዲራው፣ ዬሱሲ ኪሪሰቶሳ ባጋና ሂንቴንቶ ታኒ ዖሳ ጋላታይ። 9-10 ኣዪሲ ጎፔ፣ ታኒ ኡባ ዋይ ታ ዋሳን ሂንቴንታ ሃሳዪሲያዎ፣ ዖሳይ፣ ታኒ ኣ ናዓ ሚሺራቹዋ ቃላ ኦዲያዋን ታ ኣያናን ኣው ኦሊያዌ ማርካ። ዖሳይ፣ ባሬ ሼኒያን፣ ታኒ ሃዒ ሂንቴንቱኮ ባናው ታ ኦጊያ ሚኮያናዳን፣ ኡባ ዋይ ዋሳይ። 11 ኣዪሲ ጎፔ፣ ታኒ ሂንቴንታ ሚኒሳናው፣ ሂንቴንቱና ኢቲፔ ኣያና ኢዋታ ሻካና ማላ፣ ሂንቴንታ

* 1:4 ባሬ ጌሻ ኣያናን፣ ዋይ «ኣኒ ዴዒያ ጌሻ ኣያና»

ቤዓናው ላሞታይ። 12 ታኒ ጊያዌ፣ ሂንቴንቴካ ታካ ኢቲ ዋዴ ሚኔታና። ሂንቴንቴ ታ ኣማኑዋን፣ ቃሲ ታኒካ ሂንቴ ኣማኑዋን ሚኔታና።

13 ታናዳን ኣማኒያዋንቶ፣ ታኒ ኡባ ዋዴ ሂንቴንቴኮ ባናው ቆፓዲ። ሺን ታና ዲጊያባይ ዴዲያዋ ሂንቴ ኤራናው ቤሴ፤ ታኒ ሃራይ ኣቶ ኣዪሁዳ ጊዴና ሃራ ኣሳፔካ ኣይፊያ ዴሚዳዋዳን፣ ሂንቴንቴፔካ ኣይፊያ ዴማናው ኮያይ። 14 ታኒ ኣሳ ኡባው፣ ጊሪኬ ኣሳዉኔ ታማሪቤና ኣሳው ቃሲ ኣቶ ኤራንቻቶኔ ኤያቶ ቃንፃና ኣጩ ዴዔ።

15 ሄዋ ዲራው፣ ታው ዳንዳዬቴዳ ከናን ሮሜን ዴዲያ ሂንቴንቴሲካ ሚሺራቹዋ ቃላ ኦዳናው ኣሞታይ።

ሚሺራቹዋ ቃላይ ያሳ ዋልቃ

16 ሚሺራቹዋ ቃላይ ታና ዬላዬና፤ ኢ ኣማኒያ ኡባ፣ ካሴቲዴ ኣዪሁዳ ኣሳ ቃሲ ኣዪሁዳ ጊዴና ኣሳ ኣሻናው ያሳፔ ዪያ ዋልቃ።

17 ኣዪሲ ጎፔ፣ ያሳ ማፃፋይ፣ «ዲሉ ያሳን ኣማኔቲዴ ዴዓና» ያጊያዋዳን፣ ያሳይ ኣሳ ኮይሮፔ ዉርሴፋ ጋካናው፣ ኣማኑዋን ዪሊሲያዋ ሚሺራቹዋ ቃላይ ቆንጨሴ።

ኣሳ ኢታ ኦሱዋ

18 ቱማቴላይ ኤሬታናዋ ባሬንቴ ኢታ ሃናታን ዲጊያ ናጋራ ኦሱዋ ኡባ ቦላኒኔ ኣሳ ኢታ ኦሱዋ ኡባ ቦላን፣ ያሳ ሃንቁ ሳሉዋፔ ዋዴ ቆንጨና። 19 ኡንቴንቴ ያሳባ ኤራና ዳንዳዪያዌ ኡንቴንቶ ቆንጨ፤ ኣዪሲ ጎፔ፣ ያሳይ ኡንቴንቶ ቆንጨሴዳ። 20 ቤቴና ኣ ሃናታይ፣ ሄዌካ ኣ ሜዲና ዋልቃይኔ ኣ ያሳቴላይ ኢቲፔ ያሳይ ሃ ኣላሚያ ሜዴዳዋፔ ደሚዴ፣ ኡንቴንቶ ቆንጨዴ ቤቴዳ፤ ኡንቴንቴ ሄዋ ያሳይ ሜዴዳባፔ ቤዓናው ዳንዳዪያ ዲራው፣ ኡንቴንቶ ጋሶዪያባይ ባዋ።

21 ኣዪሲ ጎፔ፣ ኡንቴንቴ ያሳ ኤሮፔካ፣ ኣው ቤሲያ ቦንቹዋ ኣሚቤይኪና፤ ቃሲ ኣ ጋላቲኪና። ሺን ኡንቴንቴ ኣላሌ ኬሴናባ ቆፒና፤ ቃሲ ኡንቴንቴ ኣኬከና ዋዛናይ ቋሜዳ።

22 ኡንቴንቴ ባሬንታ ኣዴዳ ኤራንቻ ጊኖ፤ ሺን ኡንቴንቴ ኤያ።

23 ኡንቴንቴ ሃይቁና ያሳሲ ጎዪኒያዋ ኢዲዴ፣ ሃይቁያ ኣሳ ሜዴታ፣ ካፋቱዋ ሜዴታ፣ ደዓቱዋ ሜዴታኔ ቲራን ጎሹቲያዋንቴ ሜዴታ ሜዴቴዳዋንቴሲ ጎዪኔዲና።

24 ሄዋ ዲራው፣ ኡንቴንቴ ኢቱ ኢቱዋና ፖኮባ ኦላና ማላ፣ ያሳይ ኡንቴንቴ ዋዛናይ ኣሞቲያ ቱናባ ኦላናዳን ኡንቴንታ ኣጌዳ።

25 አዲስ ጎጥ፡ ኡንቲንቲ ያሳ ቱማቲላ ዋርዲዋን ላሜዲኖ፤ ቃሲ ሜዴዲ ያሳ አጊዴ፡ ኢ ሜዴዲባው ጎዩኔዲኖኔ ኦሌዲኖ። ያሳይ ሜዲኖው ጋላቲቲዳዋ። አሜንዲ።

26 ሄዋ ዲራው፡ ያሳይ ኡንቲንቲ ፖኮባ አዋታና ማላ፡ ኡንቲንታ አጌዳ፤ ሃራይ አቶ ኡንቲንቲ ማጫዋንቲ ባሬንቶ ቤሲያዋ አጊዴ፡ ቤሲናዋ ሃኔዲኖ። 27 ሃዋዳንካ፡ አቲማ አሳይ ቃሲ ባሬንቶ ቤሲያዋዳን ማጫዋንቲና ጋኬቲያዋ አጊዴ፡ ኢቲ ኢቲዋና ጋኬታናው ኮዬዲኖ፤ አቲማ አሳይ ኢቲ ኢቲዋና ፖኮባ ኦሌዴ፡ ባሬንቲ ኦሌዳ ባላን ባሬንቶ ቤሲያ ፒርዳ አኩዲኖ።

28 ኡንቲንቲ ያሳ ኤራናው ደሴናን ኢዳዳዋ ከና ያሳይ ኡንቲንቲ ቤሲናዋ ኦላና ማላ፡ ኡንቲንቶ ፓሌና ቆፋ አሜዲ። 29 ኡንቲንቲን ቲናቲላይ፡ ኢታቲላይ፡ ዮራቲላይኔ ኢታ ሃኖታይ ኩሜዳ፤ ቃሲ ኡንቲንቲን ቃናቲ፡ ሸምፑዋ ዋዲያ ቆፋይ፡ ፓሉማይ፡ ጨሙሳይኔ ኢታ ቆፋይ ኩሜዳ፤ ቃሲ ኡንቲንቲ ሶቂያዋንታ፡ 30 ዚጊሪያዋንታ፡ ያሳ ኢዲያዋንታ፡ ቦሪያዋንታ፡ ኦቶሪቲያዋንታ፡ ጨቁቲያዋንታ፡ ኢታባ ኦላናው ኮዩያዋንታኔ ባሬንቲ አዎኔ አቲው አዛዜቲናዋንታ፡ 31 ቆፋይ ባይናዋንታ፡ አማኑ ባይናዋንታ፡ ሃራንቶ ቃሪቲናዋንታኔ ማሪናዋንታ። 32 ኡንቲንቲ ሃዋንቲ ማላ ኦሌያዋንቲሲ ሃይቁ ቤሲ ጊያ ያሳ ሂጊያ ኤሪዴ፡ ሃዋንታ ኦሌኖ፤ ሄዋ ያላላ ጊዴናን፡ ሃዋንታ ኦሌያዋንታካ ኦሌቲ ጊዴ ሚኒሲኖ።

2

ያሳ ፒርዳ

1 ሄዋ ዲራው፡ ኔኖ ሃራንቲ ቦላ ፒርዲያዎ፡ ኔው ጋሶዩያባይ ባዋ፤ አዲስ ጎጥ፡ ኔኒ ሃራንቲ ቦላ ፒርዲዳ፡ ሄ ኔኒ ኡንቲንቲ ቦላ ፒርዲያዋ ማላ ኡደፔ፡ ኔ ቦላ ፒርዲሳ። 2 ኦኒ ሃዋ ማላ ኦሱዋ ኦሌያዋንቲ ቦላ ያሳይ ዲሎ ፒርዳ ፒርዲያዋ ኤሬቶ። 3 ኔኖ፡ ሃዋ ማላ ኦሱዋ ኦሌያዋንቲ ቦላ ፒርዲያዎ፡ ቃሲ ሄ ኔኒ ፒርዲያዋ ማላ ኦሌያዎ፡ ኔኒ ያሳ ፒርዲፔ አቲያዋ ማላቲ? 4 ዋይ ያሳ ዋልቃማ ከካቲላ፡ ጌንጩዋኔ ዳንዲያ ካቆዪኻ? ያሳይ ኔና ናጋራፔ ዛራናው ኮዩያ ዲራው፡ ኢ ከካ ጊዲያዋ ኔኒ ኤራሳ።

5 ሸን ሂንቲንቶ ጉዙማ ዋዛናይኔ ናጋራፔ ሲሜና ዋዛናይ ዴዴ፤ ሄዋ ዲራው፡ ያሳ ሃንቁኔ ዲሎ ፒርዲይ ቆንጪያ ጋላሲ፡ ኔኒ ኔ ቦላ ሃንቁዋ ካሴዋፔ ደሪሳሳ። 6 ያሳይ አሳ ኡባው አ ኦሱዋ ማላ ኢማናዎ። 7 ኢቲ ኢቲ አሳቲ ሎዶባ ዳንዲያን ኦሌኖ፤ ቃሲ ጋላታ፡ ቦንቹዋኔ ባዬና ዴዑዋ ኮዩኖ፤ ኡንቲንቶ ያሳይ ሜዲና ዴዑዋ

2:6 ማዝ 62:12፤ ለም 24:12

ኢማና። 8 ሺን ሃራንቱ ኢታባ ኦላናው ያሬቲኖኔ ቱማቴላ ኢዲኖ፤ ያሳይ ኡንቱንቱ ቦላ ባሻኔ ሃንቁዋ ዬዳና። 9 ኢታባ ኦሊያ ኣሳይ ኡባይ ማቶታናኔ ዋዬታና፤ ሄዌ ካሴቲዳ፣ ኣዪሁዳ ኣሳ ጋካና፤ ሄዋፔ ቃሲ ኣዪሁዳ ጊዳና ኣሳ ጋካና። 10 ሺን ያሳይ ሎዎ ኦሱዋ ኦሊያ ኡባቶ ጋላታ፣ ቦንቹዋኔ ሳርቲላ ኢማና። ካሴቲዳ ኣዪሁዳቶ ኢማና፤ ሄዋፔ ቃሲ ኣዪሁዳ ጊዳናዋንቶ ኢማና። 11 ኣዪሲ ጎፔ፣ ያሳ ኣዪፊያን ኣሳይ ኡባይ ኢቲ ማላ።

12 ሙሴ ሂጊ ባይናን ናጋራ ኦሌዳ ኡባይ ሂጊ ባይናን ጳያና። ሙሴ ሂጊ ዴዲሺን፣ ናጋራ ኦሌዳ ኡባይ ሂጊያን ፒርዳታና። 13 ኣዪሲ ጎፔ፣ ያሳ ሲንላን ሂጊያ ናጊያዋንቱ ዲሊኖፔ ኦቲን፣ ሂጊያ ሲሲያዋንቱ ዲሊኪኖ። 14 ኣዪሁዳ ጊዳና ኣሳው ሂጊ ባዋ፤ ሺን ባሬንቱ ቲላ ቆፋን ሂጊ ኣዛዚያዋ ኦሊኖ፤ ኡንቱንቶ ሂጊ ጳዮፔካ፣ ኡንቱንቱ ባሬንቱ ሁጺው ሂጊ። 15 ሂጊ ኣዛዚያዌ ኡንቱንቱ ዋዛና ጊዶን ፃፊቴዳዋ ኡንቱንቱ ሃናታይ ቤሴ፤ ኢቲ ካላ ኡንቱንቱ ቲላ ቆፋይ ኡንቱንቶ ማርካቲያ ዲራውኔ ቃሲ ኢቲ ኢቲ ካላ ኡንቱንቱ ቆፋይ ኡንቱንታ ሞቲያ ዲራው፣ ዋይ ቃሲ ኡንቱንቱና ጋዳቲያ ዲራው፣ ሄዌ ቱማ ጊዲያዋ ኤሪሴ። 16 ታኒ ታማሪሴዳ ሚሺራቹዋ ቃላዳን፣ ኣሳ ዋዛናን ጌሜዳ ቆፋ ያሳይ ዬሱሲ ኪሪሰቶሳ ባጋና ሃዋዳን ፒርዳና።

ኣዪሁዳቱዋኔ ሙሴ ሂጊያ

17 ሺን ኔኒ ኔና ኣዪሁዳ ጋሳ፤ ሂጊያን ዜምፓዳ ያሳን ጨቄታሳ። 18 ኔኒ ኦላና ማላ፣ ያሳይ ኮዪያዌ ኣዬንቶ ኤራ፤ ቃሲ ቱማ ጊዲያዋ ደራናው ሂጊያፔ ታማራዳ። 19-20 ኔኒ ቆቃቱዋ ካሌሊያዋ፣ ቃሲ ጳማኒ ዴዲያዋንቶካ ፖሲሲያዋ፣ ኤሬናዋንታ ኤሪሲያዋኔ ናናቱዋ ታማሪሲያዋ ጊዲያዋ ኤራዲ፤ ሂጊያፔ ኔኒ ኩሚንላ ኤራቲላኔ ቱማቴላ ዴሚያዋ ኤራሳ። 21 ያቲና፣ ኔኒ ሃራቱዋ ታማሪሲያዌ ኔና ኔ ሁጺው ኣዪሲ ታማሪሲኪ? ኔኒ፣ «ወዖፓ» ያጋዳ ቃላ ኦዳሳ። ሺን ኔኒ ኔ ሁጺው ወዳዬ? 22 ኔኒ፣ «ዋሹዋፓ» ያጋ። ሺን ኔኒ ኔ ሁጺው ዋሹማይ? ኔኒ ኤቃ ሸኔታ። ሺን ኤቃይ ዴዲያ ጎሊያ ቦንቃይ? 23 ያሳ ሂጊ ኔው ዴዲያ ዲራው፣ ኔኒ ጨቄታሳ፤ ሺን ሄ ሂጊያ ሚንሳዳ ያሳ ዬላያይ? 24 ኣዪሲ ጎፔ፣ ያሳ ማፃፋይ፣ «ኣዪሁዳ ኣሳቶ፣ ሂንቱ ጋሱዋን ኣዪሁዳ ጊዳና ኣሳቱዋ ጊዶን ያሳ ሱንሳይ ባዬ» ያጌ።

25 ኔኒ ሂጊው ኣዛዜቶፔ፣ ኔ ቃፃራይ ማዲዋና ዴዴ፤ ሺን ኔኒ ሂጊያ ሚንሳፔ፣ ኔኒ ቃፃሬቲዳዌ ቃፃሬቲቤናዋዳን ፓይዳቴ። 26 ኣዪሁዳ ጊዳና ኣሳይ ቃፃሬቲናን ሂጊ ኣዛዚያዋ ናጎፔ፣ ያሳይ ኣ

2:11 ዛር 10:17 2:24 ኢሳ 52:5

ቃፃሬቱዳዋዳን ፓይዴኔ? 27 ሂንቴንቱ፣ አዪሁዳ አሳቱ፣ ሂንቴንቶ ፃፊቱዳ ሂጊ ዴፖፕካ ቃሲ ሂንቴ ቃፃሬቶፕካ፣ ሂጊያ ሂንቴ ማንሴያ ዲራው፣ አዪሁዳ ጊዴና አሳይ ቦላ ቃፃሬታና ቆዮፕካ፣ ሂጊው አዛዘቲዴ፣ ሂንቴ ቦላ ፒርዳና።

28 አዪሲ ጎፔ፣ አዪሁዳ አሳ ማላቲያ ኡባይ ቱሙ አዪሁዳ አሳ ጊዴና፤ ቃሲ አሳይ ባሬ አሹዋ አሳቴላ ቃፃሬቱዳ ዲራው፣ ቱሙ አዪሁዳ አሳ ጊዴና። 29 ሺን ቱሙ አዪሁዳ አሳ ጊያ ኡራይ ጋርሳ ባጋና አዪሁዳ አሳ * ጊዴዳዋ፤ ቃፃሬቲያዋ ያሳ አያናን ኦሴቲያ ዋዛና ቃፃሬፔ አቲን፣ ፃፊቱዳ ሂጊያና ጊዴና፤ ሄ ኡራይ ባሬ ጋላታ ያሳፔ አኪያዋፔ አቲን፣ አሳፔ አኪቤና።

3

አዪሁዳቱ አማኔናን አጉሳን ባዪዜዲኖ

1 ያቲና፣ አዪሁዳ አሳቱ አያኒ አዪሁዳ ጊዴና አሳፔ አጲኖ? ዋይ ቃፃሬቲያዋን አይ ማዲ ዴዒ? 2 ሃዌ አዪሁዳቱዋ ኡባባኒ ሎይሴ ማዴ፤ ኡባባፔ ካሴ ያሳይ ባሬ ኪታ ሃዳራ አዪሁዳቶ ኢሜዳ።

3 ያቲና ኡንቱንቱፔ ኢቱ ኢቱ አማኔቲናዋ ጊደፔ፣ ዋኒ? ሃዋ ዲራው፣ ያሳይ አማኔቲና ያጊያዌ? 4 ሃዋ ጊዴና፤ አሳይ ኡባይ ዋርዳንቻ ጊደፕካ፣ ያሳይ ጊያዌ ቱማ ጊዳናው ቤሴ። ያሳ ማፃፋይ፣ «ኔኒ ሃሳዪያ ዋዴ፣ ኔኒ ዲሎ ጊዲያዋ ኤሪሳናው ኮሼ፤ ኔኒ ሞቲቲያ ዋዴ፣ ሻቲማናው ቤሴ» ያጌ።

5 ሺን ኑ ባዪዙ ያሳ ዲሎ ኦሱዋ ኤሪሲንቶ፣ ኑኒ ዋጋኔ? ኑ ቦላ ሃንቁዋ አሂያ ያሳይ ባዪዛንቼ? ታኒ አሳይ ጊያዋዳን ጋይ። 6 ሃዌ ዋዪ ሃናና። አዪሲ ጎፔ፣ ሃዋዳን ጊደፔ፣ ያሳይ ሃ አላሚያ ቦላ ዋቲ ፒርዳኔ?

7 ሺን ታ ዋርዲዋን ያሳ ቱማቴሳይ አ ቦንቾ ዳርፔ፣ ያቲና፣ ሃዋ ጋካናው አዪሲ ታ ቦላ ናጋራንቻዳን ፒርዲ? 8 ያቲና ኑኒ፣ «ሎዑ ያናዳን፣ አኔ ኢታባ አላይቱ» አዪሲ ጎኩ? ኢቲ ኢቲ አሳይ ሃዋ ታና ሞቲዴ ቦራዲኖ፤ ኡንቱንቱ ያሳፔ ቤሲያ ፒርዳ አካና።

አሳይ ኡባይ ናጋራንቻ

9 ሃዋ ዲራው፣ ኑኒ ዋጋኔ? ኑኒ አዪሁዳቱ፣ አዪሁዳ ጊዴና አሳፔ ዳሬቶ? ሃዋ ጊዴና፤ አዪሲ ጎፔ፣ አዪሁዳቱካ አዪሁዳ

* 2:29 አዪሁዳ ጉሳይ ጋላቴቲያዋ ጊዲዴ ሱጎሳይ ዪሁዳፔ ዪዴ። 2:29 ዛር 30:6 3:4 ማዝ 51:4

ጊዳና አሳቱካ ኡባይ ኢቲፔ ናጋራፔ ጋርሳን ዳዲያዋ ታኒ ካሴ ሂንቱንቶ አዳዲ።

10 ያሳ ማፃፋይ ሃዋዳን ያጌ፤

«ዲሎ አሳይ ኢቱኔ ባዋ።

11 አኬኪያ አሳይካ ባዋ፤

ዎይ ያሳ ኮዪያዌካ ባዋ።

12 አሳይ ኡባይ ኦጊያፔ ካሬ ኬሴዲኖ፤

ኡባይ ሙሉካ ማዳናዋ ጊዳዳ።

ሎዎባ ኦሊያ ኦኒኔ ባዋ፤

ሃራይ አቶ ኢቱኔ ባዋ።

13 ኡንቱንቱ ዶናይ ዶያ ዳዲያ ዱፋዋ ማላ።

ባሬንቱ አንፃርሳን ዎርዶቱዲኖ።

ኡንቱንቱ ዶናፔ አሳ ዎጲያ ሸሻ

ዪሻ ማላ ሃሳያይ ኬሴ።

14 ኡንቱንቱ ዶናን ሸቃይኔ ጫሞባይ ኩሜዳ።

15 ኡንቱንቱ ሱላ ጉሳናው

ዳሪ ኤሌሊኖ።

16 ባይዙኔ ኮሌላይ

ኡንቱንቱ ቤዳሳን ሃቃኒኔ ቆዬና።

17 ኡንቱንቱ ሳሮቱላ ኦጊያካ ኤሪኪኖ።

18 ቃሲ ያሳው ያዪያባይ

ኡንቱንቱ ቆፋን ባዋ»

ያጌ።

19 አሳ ኡባ ሃሳያ ዲጋና ማላኔ ኩሜንላ ሳዓ ያሳ ፐርዳፔ ጋርሳው አላና ማላ፣ ሂጊያ ጊዶን ኦዴቱዳ ኡባባይ ሂጊያፔ ጋርሳን ዳዲያ አሳው ሃሳዪያዋ ኑኒ ኤሬቶ። 20 ያሳ ሲንላን ኦኒኔ ሂጊ አዛዚያዋ ኦሊያዋን ያሌና፤ ሂጊ ኢቲ አሳይ ናጋራ ኦሌዳዋ ኤራናዳን ኡዴ።

አሳይ ያሊያዌ አማኑዋና

21 ሺን ያሳይ አሳ ያሊሲያ ኦጊ ሂጊ ባይናን ሃዲ ቆንጩዳ፤ ሂጊኔ ናባቱ ሄ ያሎቱላባ ማርካቲዲኖ። 22 ያሳይ አሳ ዬሱሲ ከሪሶቶሳ አማኒያዋን ያሊሴ፤ ያሳይ ሄዋ አ አማኒያ ኡባው ኦሌ፤ አይ ሻኮቱላይኔ ባዋ።

23 አዪሲ ጎፔ፣ አሳይ ኡባይ ናጋራ ኦሌዳ፤ ያሳ ቦንቹካ ኡንቱንቶ ጉዳዳ። 24 ሺን ኡንቱንቱ ያሳይ ኢሚያ አ አጾ ከካቱላን፣ ባሬንታ

3:10 ማዝ 14:1-3 3:13 ማዝ 5:9 3:14 ማዝ 10:7 3:15 አሳ 59:7-8 3:18 ማዝ 36:1 3:20 ማዝ 143:2፤ ጋል 2:16

ዎዚያ ኪሪሰቶስ ዩሱሳ ባጋና ጮ ዲሌዲና። 25 ዩሱሳ ሱላን አሳይ ኣ ኣማኒዳ። ባሪ ናጋራው ማሮቴላ ዳማናው። ያሳይ ኣ ኢሜዳ፤ ያሳይ ሄዎ ባሪ ዲሎቴላ ቤሳናው ኦሴዳ፤ ኢ ቤኒ ዎዲያን አሳ ናጋራ ዳንዳዪዳ። ካጲ ባሺ ኣጌዳ፤ ሺን 26 ሃ ዎዲያን ባሪ ዲሎቴላ ቤሳናው አሳ ናጋራ ኣጌና፤ ያሳይ ሄዎ ኦሴያዎን ኢ ባሪ ሁጹው ዲሎ ጊዲያዎን ዩሱሳ ኣማኒያ ኡባ ዲሊሲያዎ ቤሴ።

27 ያተና። ኮኒ ኣያው ጨቁታኔ? ኣይኔ ባዎ። ኣያ ጋሱዎኔ? ኮኒ ሂጌው ኤኖ ጊያዎኔ? ጊዳና፤ ኣማኑዎ ሂጊያና፤ ኣተን።

28 ኣዪሲ ጎፔ። ኣሳይ ኣማኑዎን ዲላና፤ ኣተን። ሂጊ ኣዛዚያዎ ኦሴያዎና ጊዳና ያጊዳ ቆፔቶ።

29 ዎይ ያሳይ ኣዪሁዳቱዎ ያላላው ያሴ? ኣዪሁዳ ጊዳና ኣሳው ያሳ ጊዳኔ? ቱማ። ኣዪሁዳ ጊዳናዎንቶካ ኢ ቃሲ ያሳ።

30 ኢቲ ያሳ ያላላይ ዳዔ፤ ኣዪሁዳቱዎ ኡንቱንቱ ኣማኑዎን ኢ ዲሊሳና፤ ቃሲ ኣዪሁዳ ጊዳናዎንታካ ኡንቱንቱ ኣማኑዎን ዲሊሳና።

31 ያተና። ኮኒ ሂጊያ ኣማኑዎን ጋፃ ሱጋኔ? ጊዳና፤ ሂጊያ ማኒሶይቲ፤ ኣተን።

4

ኣብራሃም ኣማኑዎን ዲሌዳ

1 ያተና። ኮኒ ኩሲ ኣሹዎን ዛሬ ጊዲያ ኣብራሃም ኣያ ዳሜዳ ጋኔ? 2 ኣዪሲ ጎፔ። ኣብራሃም ኦሱዎን ዲሌዳዎ ጊዳ፤ ኣው ጨቁቲያባይ ዳዔ፤ ሺን ያሳ ሲንላን ጨቁታና ዳንዳዪና። 3 ኣዪሲ ጎፔ። ያሳ ማፃፋይ ዋጊ? «ኣብራሃም ያሳ ኣማኔዳ፤ ያሳይ ሄዎ ኣው ዲሎቴላን ፓይዳዳ» ያጌ።

4 ኦሴያ ኡራይ ኣኪያ ሚሻ ባሪው ቤሲና ኣኬፔ ኣተን። ኣው ጮ ኣሜቲያዎዳን ፓይዳ፤ 5 ሺን ኦሱዎ ኦሴናን። ናጋራንቻ ዲሊሲያ ያሳ ኣማኒያ ኡራ። ያሳይ ኣ ኣማኑዎን ኣ ዲሊሴ። 6 ሃዎዳንካ። ኣይ ኦሱኔ ባይናን። ያሳይ ዲሎዎዳን ፓይዳዳ ኣሳ ናሹቲያባ ዳዊቲ ሃሳዬዳ ዎዴ ጌዳዌ ሃዎ።

7 «ያሳይ ኡንቱንቱ ባዪዙዎ ኣቶ ጌዳዎንቱ ኡንቱንቱ ናጋራ ካሜዳዎንቱ ኣንጃቲዳዎንታ።

8 ጎዳይ ኣ ናጋራ ፓይዳና ኣሳይ ኣንጃቲዳዎ»

ያጌ።

9 ያተና፣ ሃ ዳዊቲ ሃሳዬዳ አንጂ ቃፃሬቲዳ አሳ ፃላላሴዬ? ዋይ ቃሲ ቃፃሬቲቤና አሳቱዋሴ? ኣዩሲ ጎፔ ኑኒ። «የሳ ማፃፋይ፣ ሓብራሃሞ የሳ አማኔዳ፤ የሳይ ሄዋ አው ዒሎቲላን ፓይዳዳ» ያጌ» ጎይቲ። 10 ያተና፣ ሃዌ አዉዴ ሃኔዴ? ኣብራሃሞ ቃፃሬቲ ሰሚኔዬ? ዋይ ቃፃሬታናፔ ካሴኔ? ቃፃሬታናፔ ካሴናፔ አቲን፣ ቃፃሬቲና ጊዴና።

11 ጉዬፔ ኢ ቃፃሬቲዳ፤ የሳይ ኣ አማኑዋ ዲራው። ኢ ቃፃሬታናፔ ካሴ ኣ ዒሎ ኡዴዳዋ ኤሪሳናው። ኣ ቃፃሬይ ማላ ጊዴዳ። ሄዌካ ቃሲ ቃፃሬቲናን የሳ አማኒያ ኡባቱዋ የሳይ ዒሎ ኦሊዴ ፓይዳናዳን፣ ኡንቲንቶ ኣብራሃሞ አዉዋ ጊዳናሳ። 12 ኢ ቃፃሬቲዳዋንቶካ አዉዋ፤ ጊደፔካ፣ ኡንቲንቲ ቃፃሬቲዳ ዲራሳ ጊዴና፤ ሺን ኑ አዉዋ ኣብራሃሞ ቃፃሬታናፔ ካሴ አማኒያ አማኑዋ ማላ ካሊያዋንቶካ አዉዋ።

የሳይ ኢማና ጌዳባይ አማኑዋን ኣኩቲ

13 ኣብራሃሞሲኔ ኣ ዜሬላው የሳይ፣ «ሃ ሳዓ ታኒ ሂንቲንቶ ኢማና» ያጌዳዌ፣ ኣብራሃሞ የሳ አማኒዴ ዒሌዳ ዲራሳፔ አቲን፣ ሂጌው ኢ ኣዛዜቲዳ ዲራሳ ጊዴና። 14 ኣዩሲ ጎፔ፣ ሂጌው ኣዛዜቲያዋንቲ የሳይ ኢማና ጌዳዋ ላቲያዋንታ ጊደፔ፣ ኣሳ አማኑ ማዴናባ ጊዴዳ፤ የሳይ ጌዳዌካ ማላ ጊዴዳ፤ 15 ሂጊ የሳ ቦሻ ኣሄ፤ ሺን ሂጊ ባይናሳን ሂጊያ ማንሊያባይ ባዋ።

16-17 ሄዋ ዲራው፣ ሂጊያ ናጊያዋንቲ ፃላላው ጊዴናን፣ ቃሲ ኣብራሃሞ አማኔዳዋዳን፣ አማኒያ ኣብራሃሜ ዜሬላ ኡባው የሳይ ኢማና ጌዳዌ፣ ዋይታዳን ቱማታናዌ አማኑዋና። ኣብራሃሞ ኑሲ ኡባው አዉዋ። የሳ ማፃፋይ፣ «ታኒ ኔና ጮራ ካዉቲላቶ ኣዋ ኦላዲ» ጊያዋዳን፣ ሃይቄዳዋንቶ ዴዑዋ ኢሚያ፣ ባሬ ኣዛዙዋን ባይናባ ዴዒያባዳን ኦሊዴ ዒሲያ፣ ኢ አማኔዳ የሳ ሲንላን ኣብራሃሞ ኑሲ ኡባው አዉዋ።

18 የሳ ማፃፋይ ኣብራሃሞሲ፣ «ኔ ዜሬላይ ሃዋ ከና ጊዳና» ያጌዳዋዳን፣ ሃዋ ከና ጊዳና ጊዴ፣ ናሼቻን ናጋናው ዳንዳዬና ዋዴ፣ ኣብራሃሞ አማኒዴኔ ሲንላፔ ዴማና ጊዴ፣ ናሼቻን ናጊዴ፣ ጮራ ዜሬላው አዉዋ ጊዴዳ። 19 ሄ ዋዴ፣ ኣብራሃሞ ዬሌቶዴፔ ያቲ ላይላ ኩማና ሃኒያ ጨማ፤ ሺን ባሬ ዳቡራንቻ ኣሳቲላኔ ሳራ ናዓ ዬላናው ዳንዳዬናዋ ቆፔዳ ዋዴ፣ ኢ ባሬ አማኑዋን ዲቡሪቤና።

4:11 ደሞ 17:10 4:13 ደሞ 17:4-6፤ 22:17-18፤ ጋሌ 3:29 4:16-17 ደሞ 17:5 4:18 ደሞ 15:5 4:19 ደሞ 17:17

20-21 ያሳ ኢ ቦንቹዳ፣ አው ኢማና ጌዳ ያሳይ ቃሲ ፖላናው ዳንዳዪያዎ ሎይሴ ኤሪዳ ባሬ አማኑዋን ሚኔዳዋፔ ኣቲን፣ አማኔናን ኢዲዳ፣ ያሳይ ኢማና ጌዳዎ ሲጲቤና። 22 ሄዋ ዲራው፣ ያሳይ ቃሲ ኣ አማኑዋ ዒሎቴላን ፓይዳዳ።

23 «አው ዒሎቴላን ፓይዳዳ» ጊያ ቃላይ ኣ ዓላላው ዓፌቲቤና።

24 ሄ ቃላይ ኑ ጎዳ ዬሱሳ ሃይቁዋፔ ዳንፊዳ ያሳ አማኒያ ኑሲካ ዒሎቴላን ፓይዳታና ማላ ዓፌቴዳ። 25 ያሳይ ኣ ኑ ናጋራ ዲራው፣ ሃይቆ ኣሌዳ ኢማና፣ ኢ ኑና ዒሊሳናው ሃይቁዋፔ ዳንዳዳ።

5

አማኑዋን ቤቲያ ሳርቴላኔ ሲጋቴላ

1 ሄዋ ዲራው፣ ኑኒ አማኑዋን ዒሌዳዋን፣ ኑ ጎዳ ዬሱሲ ኪሪሰቶሳ ባጋና ኑሲ ያሳና ሳርቴላይ ዳዒ፤ 2 ቃሲ ኢ ኑና ሃዒ ኑኒ ዳዒያ ያሳ ኣጵ ከካቴላ ጊዳ አማኑዋን ኣሄዳ፤ ያቲና፣ ኑኒ ያሳ ቦንቹዋ ቫካናው ኑሲ ዳዒያ ሂዳታን ጨቁቴቶ።

3-4 ሄዋ ዓላላ ጊዳና፤ ኑኒ ኑ ዋዪያንካ ናሹቴቶ፤ ኣዪሲ ጎፔ፣ ዋዪያፔ ዳንዳያይ፣ ቃሲ ዳንዳያፔ ፓጨያን ሚኒያዌ፣ ፓጨያን ሚናታፔ ሂዳታይ ዪያዎ ኑኒ ኤሬቶ። 5 ያሳይ ኑሲ ኢማዳ ጌሻ ኣያና ባጋና ባሬ ሲቁዋ ኑ ዋዛናን ጉሴዳ ዲራው፣ ሄ ኑኒ ዳማናው ናሹቻን ናጊ ኡቴዳዌ ኑና ዬላዬና።

6 ኣዪሲ ጎፔ፣ ኑኒ ቢር ዋልቃይ ባይናዋንታ ጊዲዳ ዳዒሺን፣ ያሳይ ዶሬዳ ዎዲ ጋኪና፣ ኪሪሰቶሲ ናጋራንቻቱዋ ዲራው ሃይቁዳ። 7 ዒሎ ኡራ ዲራው፣ ኣቲ ኡራይ ሃይቃናዌ ዳር ሚቶባ፤ ሺን ሎዎ ኣሳ ዲራው ሃይቃናው፣ «ኤኖ» ጊያ ኡራይ ኦኒ ኤሪ ቤቴናን ኣጌና። 8 ሺን ኑኒ ቢር ናጋራንቻ ጊዲዳ ዳዒሺን፣ ኪሪሰቶሲ ኑ ዲራው ሃይቁዳ፤ ሄዌ ያሳይ ኑና ኣይ ከና ሲቁንቶኔ ኣ ሲቁዋ ኤሪሴ። 9 ሲሚ ኑኒ ሃዒ ኣ ሱላን ዒሌዳዎ ጊደፔ፣ ኣ ባጋና ያሳ ሃንቁዋፔ ኣታና። 10 ኣዪሲ ጎፔ፣ ኑኒ ያሳና ካሴ ዋርኬ፤ ሺን ኣ ናዓ ሃይቁዋን ኣናና ሲጌቴዳ። ሄዋፔ ኣሌዳ፣ ሃዒ ኑኒ ያሳና ሲጌቴዳዋፔ ጉዪያን፣ ኢ ፓፃ ጊዲያ ዲራው ኑና ኣሻና። 11 ሺን ሄዋ ዓላላ ጊዳና፤ ሃዒ ኑና ያሳና ሲጌቴዳ ኑ ጎዳ ዬሱሲ ኪሪሰቶሳ ባጋና ኑና ያሳባይ ናሹቹ።

ሃይቁ ኣዳማን ዪና፣ ዳዑ ኪሪሰቶሳን ዬዳ

12 ሄዋ ዲራው፣ ናጋራይ ሃ ሳዓ ኣቲ ኣሳ ባጋና ጌሌዳ፤ ሄ ናጋራይ ባሬናና ሃይቁዎ ኣሄዳ፤ ሄዋ ጋሱዋን፣ ኣሳይ ኡባይ ኣዳማ

ባጋና ናጋራ ኦሴዳ ዲራው፡ ሃይቁ አሳ ዛሪያ ኡባ ጋኬዳ። 13 ሂጊ ኢሜታናፕ ካሴ፡ ሃ አላሚያን ናጋራይ ዴዴ፤ ሺን ሂጊ ባይና ዎዴ ናጋራይ ፓይዳቴና። 14 ሺን አዳማ ዎዲያፕ፡ ሙሴ ዎዲያ ጋካናሲ፡ ሃይቁ አሳ ኡባ ዎዴዳ፤ ሃራይ አቶ አዳሚ ያሳ ሂጌው አዛዘቴናን ኢፄዳዎዳን፡ ናጋራ ኦሴቤናዎንታካ ሃይቁ ዎዴዳ።

አዪሲ ጎፕ፡ አዳሚ ያናዎ ሌሚሱዎ። 15 ሺን ያሳ ኢሞታይ አዳማ ናጋራ ኬና ጊዴና ዲራው፡ ኡንቱንቱ ኢቲ ማላ ጊዲኪኖ፤ ኢቲ ቢታኒያ ናጋራ ዲራው፡ ጮራ አሳይ ሃይቁዳዌ ቱማ፤ ሺን ያሳ አቶ ከካቴላይ ኦ ኢሞታይ ኢቲ አሳ አቶ ከካቴላ ባጋና፡ ዩሱሲ ኪሪሰቶሳ አቶ ከካቴላ ባጋና ጮራ አሳው ዳሬዳ። 16 ያሳ ኢሞታይ ናጋራ ኦሴዳ ቢታኒያ ባጋና ዩዳዎ ማላ ጊዴና፤ አዪሲ ጎፕ፡ አዳሚ ኢቲ ናጋራ ኦሴዳዎፕ ጉዪያን፡ ያሳይ አ ባዪዜዳዎዳን ፒርዳዳ፤ ሺን አሳይ ዳር ናጋራ ኦሴዳዎፕ ጉዪያን ያሳይ፡ «ሂንቱንቱ ባዪዚቤይኪታ» ጊዴ፡ ባሬ አቶ ከካቴላ ኡንቱንታ ቤሴ። 17 አዪሲ ጎፕ፡ ኢቲ ቢታኒያ ናጋራ ጋሱዎን፡ አ ናጋራ ባጋና፡ ሃይቁ ካወቱዳዌ ቱማ፤ ሺን ኢቲ ኡራይ፡ ዩሱሲ ኪሪሰቶሲ ኦሴዳባይ አይ ከና ዳሬ፤ ያሳ ዳር አቶ ከካቴላይ ፂሎቴላ ኢሞታ አኪያ ኡባይ ኪሪሰቶሳ ባጋና ያኒዴ ደባና።

18 ሲሚ ኢቲ ኡራይ ናጋራ ኦሴዳ ጋሱዎን አሳ ኡባ ቦላ ባዪዜዳዎዳን ፒርዳይ ዩዳ። ሃዎዳንካ ኢቲ ኡራይ ፂሎባ ኦሴዳ ጋሱዎን፡ ያሳይ አሳ ኡባ፡ «ባዪዚቤይኪታ» ጊዴ ኡንቱንቶ ደዑዎ ኢሜዳ። 19 አዪሲ ጎፕ፡ ኢቲ ኡራይ አዛዘቴናን ኢፄዳ ጋሱዎን፡ ዳር አሳይ ናጋራንቻ ጊዴዳ፡ ሃዎዳንካ ቃሲ ኢቱ ኤኖ ጌዳዎን ጮራ አሳይ ፂላና።

20 ናጋራ ዳሪሳናው፡ ሂጊ ዩዳ፤ ሺን ናጋራይ ዳሪያ ዎዴ ያሳ አቶ ከካቴላይ ሎይሲ ዳሬዳ። 21 ናጋራይ ሃይቁዎ ዎልቃን ካወቱዳዎዳን፡ ሃዎዳንካ ቃሲ ያሳ አቶ ከካቴላይ ፂሎቴላ ዎልቃን ካወቱዳ፡ ኑ ጎዳ ዩሱሲ ኪሪሰቶሳ ባጋና፡ ኑና ሜጲና ዴዎ ካሌሌ።

6

ናጋራፕ ሻኬቲዴ ኪሪሰቶሳን ደዑሳ

1 ያቲና፡ ኑኒ ዎጋኔ? ያሳ አቶ ከካቴላይ ዳራናዳን፡ ናጋራን ሚኒዴ ደባኔ? 2 ጊዴና፤ ኑኒ ናጋራ ኦሴና ማላ ሃይቁዲጌይ። ያቲና፡ ኑኒ ሃዎፕ ሲንላው ዎቲ አ ጊደን ደባኔ? 3 ዎይ ኑኒ ኡባቱ ኪሪሰቶሳ ዩሱሳና ኢቲፕ ጊዳናው፡ ፃማቄቲዳ ዎዴ፡ አ ሃይቁዎንካ አናና ኢቲፕ ጊዳናው ፃማቄቲዳዎ ኤሪኪቴ? 4 ሃዎ ዲራው፡

5:12 ደሞ 3:6

ኪሪስቶስ ባሬ አዉዎ ቦንቾ ዎልቃን ሃይቁዎ፤ ደንደዎዳን፤ ኮኒካ ኦራላ ዴዑዎ ዴዓናው፤ አ ሃይቁዎ አናና ሻካናው ዊንቃታኒ አናና ኢቲፔ ሞጌቲዶ።

5 አዪሲ ጎፔ፤ ኮኒ ኢ ሃይቁዳዎዳን ሃይቁዳ፤ አናና ኢቲዎ ጊደፔ፤ ሃዎዳንካ፤ ሃይቁዎ፤ ኢ ደንደዎዳን ኮኒካ ዴንዲዳ፤ አናና ኢቲዎ ጊደና። 6 ኮኒ ሃዎፔ ሲንላው ናጋራው አይሌ ጊዴና ማላ፤ ቃሲ ኦ ናጋራንቻ አሳቴላ ዎልቃይ ቋያና ማላ፤ ኦ ኤጫ አሳቴላ ኪሪስቶሳና ማሰቃሊያ ቦላ ሚሲማሪያን ቋሼቲ ካቄቲዳዎ ኤሬቶ። 7 አዪሲ ጎፔ፤ ኢቲ ኡራይ ሃይቁያ ዎዴ ናጋራ ዎልቃይ አ ሞዴና፤ ሺን 8 ኮኒ ኪሪስቶሳና ሃይቁዳዎ ጊደፔ፤ አናና ቃሲ ዴዓናዎ አማኔቶ። 9 አዪሲ ጎፔ፤ ኪሪስቶሲ ሃይቁዎ፤ ዴንዴዳዎ፤ ቃሲ ላዒንሉዎ ኢ ሃይቁናዎኔ ሃይቁ ሲንላፔ አ ሞዴናዎ ኮኒ ኤሬቶ። 10 ኢ ኢቲ ካላካ ሃይቁዳ፤ ናጋራው አ ቦላ ዎልቃይ ባዎ፤ ሺን ኢ ሃ ዴዒያ ዴዑዎ ያሳው ዴዒ። 11 ሃዎዳን ቃሲ ሂንቴ ናጋራ ኦሌናዳን፤ ሂንቴንታ ሃይቁዳዎዳን ቆፒ፤ ሺን ጎዳ ኪሪስቶሳ ዩሱሳ ባገና ያሳው ሂንቴ ፓዓ ዴዒያዎዳን፤ ሂንቴንታ ቆፒ።

12 ሄዎ ዲራው፤ ሂንቴ ሂንቴንቲ አሳቴላ አውዎሲ አዛዜታና ማላ፤ ናጋራይ ሃይቁያ ሂንቴ አሳቴላ ሞደ። 13 ቃሲ ሂንቴ አሳቴላ፤ ኢቲ ሳኔ ኢታ ኦሱዎ ኦላናው ናጋራው ኢሞፒ፤ ሺን ሃይቁዎ፤ ዴንዴዳ አሳዳን ሂንቴንታ ያሳው ኢሚቴ፤ ቃሲ ሂንቴ ኩሚንላ አሳቴላካ ዊሎ ኦሱዎ ኦላናው ያሳው ኢሚቴ፤ 14 አዪሲ ጎፔ፤ ናጋራይ ሂንቴንታ ሞዴናው ዳንዳዬና፤ ሂንቴ ያሳ አቶ ከካቴላ ጋርሳና ዴዒታፔ ኢቲን፤ ሂንቴ ጋርሳና ዴዒኪታ።

ዊሎቴላው አይሌ ጊዲያዎ

15 ያቲና፤ ዋናኔ? ያሳ አቶ ከካቴላ ጋርሳና ዴዒናፔ ኢቲን፤ ሂንቴ ጋርሳና ዴዒና ዲራው፤ ናጋራ ኦላኔ? ጊዴና፤ 16 ሂንቴ ሂንቴንታ ኢቲ ኡራው አዛዜታናው፤ አይሊያዳን ኦሊዴ ኢሚያ ዎዴ፤ ሄ ሂንቴንታ አዛዜያዎ አይሌቲዎ ጊዲያዎ ኤሪታ፤ ዎይ ሂንቴ ሂንቴንቶ ሃይቁዎ አሂያ ናጋራው ኤኖ ጌታ፤ ዎይ ሂንቴ ሂንቴንታ ዊሎ ኦሊያ አዛዜ ኤኖ ጌታ። 17 ሺን ያሳው ጋላታይ ጊደ፤ አዪሲ ጎፔ፤ ናጋራው ካሴ ሂንቴ አይሌ፤ ሺን ጉዬፔ ሂንቴ አኩዳ ቲሚርቲያ ጊደን ዴዒያ ቲማቴላው ሂንቴ ኩሚንላ ዎዛና፤ አዛዜቲዲታ። 18 ሂንቴንቲ ናጋራ አይሌቴላፔ ከሲዴ፤ ዊሎቴላው አይሌ ጊዴዲታ።

19 ሂንቴንቲ ሜዴታን ዳቡራንቻ ጊዲያ ዲራው፤ ታኒ ኦሲካ ፔሊያ ሃሳያ ሃሳያይ፤ ሂንቴ ካሴ ሂንቴ ኩሚንላ አሳቴላ ናቁዎ ኦላናው፤ ቲናቴላዉኔ ናቆ አይሌ ኡዲዴ ኢሚዲታ፤ ሃዒ ሃዎዳንካ

ሂንቴ ኩሜንላ አሳቴላ ገሻባ ኦላናው፣ ዲሎቴላው አይሌ ኡዲዳ ኢሚቴ።

20 ሂንቴንቱ ናጋራው አይሌቲዳ ዳዲያ ዎዳ፣ ዲሎቴላይ ሂንቴንቶ ጎዳ ገደና። 21 ሂንቴንታ ሃዲ ዩላዪያ ዩዎቱዎ ሄ ዎዳ ኦሌዳዎፔ አይ ማዲዎ ዳሜዲቲ? አዪሲ ጎፔ፣ ሄ ዩዎቱዎ ወርሴላይ ሃይቁዎ። 22 ሺን ናጋራ አይሌቴላፔ ሂንቴ ኬሲዳ፣ ያሳው ኤናፔዲታ፤ ቃሲ ሂንቴ ኦሊያ ኡባባሲ ሂንቴንታ ኡባካ አው አሊዳ አሜዲታ። ሄዌ ሂንቴንቶ ዎሪ፤ ሄዎ ወርሴላይ ሜጲና ዳዑዎ። 23 አዪሲ ጎፔ፣ ናጋራ ጋቲ ሃይቁዎ። ሺን ያሳይ ኑ ጎዳ ኪሪሰቶሳ ዩሱሳ ባጋና ኢሚያ አሞታይ ሜጲና ዳዑዎ።

7

ሙሴ ሂጊያ ቃሹዎፔ ቢሌቲያዎ

1 ታናዳን አማኒያዎንቶ፣ ሂንቴንቱ ኡባይ ሂጊያ ኤሪያ ዲራው፣ ታኒ ጊያዎ ሎይሊ ኤሪታ፤ ሂጊ ኢቲ አሳይ ገፃ ዳዔዳ ዎዳ ፃላላን አ ዎዳ። 2 አዪሲ ጎፔ፣ አሲና ጌሌዳ ሚሺራታ ኢዚ አሲናይ ገፃ ዳዔዳ ከናን፣ ሂጊያን አናና ቃሹታ ኡታዳ፤ ሺን ኢዚ አሲናይ ሃይቆፔ፣ አናና ጫቄዳ ሂጊ ኢዘ ዎዳና። 3 ሄዎ ዲራው፣ ኢዘ ባሬ አሲናይ ገፃ ዳዲሺን፣ ሃራ አቲማዎ ጌሎፔ፣ አሳይ ኢዘ፣ «ዎሹሜወና» ጋና። ሺን ኢዚ አሲናይ ሃይቆፔ፣ ሂጊ ኢዘ ዎዳና፤ ኢዘ ሃራ አሲና ጌሎፔኔ ኢዘ ኦኒኔ፣ «ዎሹሜወና» ጌና።

4 ታናዳን አማኒያዎንቶ፣ ሄዎዳን ሂንቴንቱ ቃሲ ኪሪሰቶሳ አሳቴላፔ ኢቲ ባጋ ጊዲያ ዲራው፣ ሂንቴንቱ አባጋና ሃይቁዲታ። ቃሲ ኦኒ ያሳ ማዲያ ኦሱዎ አላና ማላ፣ ሂንቴንቱ ያሳይ ሃይቁዎፔ ዳንጱዳ ኪሪሰቶሳዎንታ። 5 አዪሲ ጎፔ፣ ኦኒ ኑ አሳቴላይ ኮዬዳዎዳን ዳዲያ ዎዳ፣ ሂጊ ኦኒ ናጋራ ኦላናዳን፣ ኦና ዳንጱሌ፤ ኑ አሳቴላ ጊዳን ኢታ አሙ ዳዲያ ዲራው፣ ኦኒ ሃይቆ አይፊያ አይፊዳ። 6 ሺን ሃዲ ኦኒ ኦና ቃቹዳዎ ሃይቁዳ ዲራው፣ ያሳይ ኦና ሂጊያ ቃሹዎፔ ቢሌዳ። ሄዎ ዲራው፣ ኦኒ ገሻ አያናይ ጊጊሴዳ ኦራሳ ኦጊያን ያሳው ኤና ጋናዎፔ አቲን፣ ፃፊቲዳ ሂጊ ኦሲ ጊጊሴዳ ኤጫ ኦጊያን ኤና ጎኮ።

ሂጊያኔ ናጋራ

7 ያቲና፣ ኦኒ ዎጋኔ? ሂጊ ባሬ ሁጹው ናጋሬ? ሄዎ ገደና፤ ሺን ሂጊ ናጋራይ አዬንቶ ታና ኤሪሴዳ። አዪሲ ጎፔ፣ ታኒ ሂጊ፣ «አሳባ አሞቶፓ» ጊቤኔንቶ፣ አሳባ አሞቲያዎ አዬንቶ ኤሪኬ።

8 ሺን ናጋራይ ታኒ ኡባባ አሞታና ማላ፣ አዛዙባ ባጋና ታ ቦላ ኦጊያ ዳሜዳ፤ አዲሲ ጎፔ፣ ሂጊ ባዌንቶ፣ ናጋራው ዋልቃይ ባሞ።

9 ካሴ ሂጊ ባይና ዋዳ ታኒ ፓፃ፤ ሺን አዛዙ ዬዳ ዋዳ ናጋራይ ዳዖ ሲሚና፣ 10 ታኒ ቃሲ ሃይቃዲ፤ ታና ፓፃ ዋላናው ያሳይ ቆፔዳ አዛዙ፣ ታው ሃይቁዋ አሄዳ። 11 አዲሲ ጎፔ፣ ናጋራይ አዛዙባ ባጋና ታና ጨሚያ ኦጊያ ዳሜዳ፣ ሄ አዛዙባን ታና ዋዴዳ።

12 ሄዋ ዲራው፣ ሂጊ ጌሻ፤ አዛዙካ ጌሻ፣ ዒላኔ ሎዓ።

13 ያተና፣ ሎዖባይ ታው ሃይቁዋ አሄዳ? ሄዋ ጊዳና፤ ሺን ታው ሄዋ ናጋራይ አሄዳ፤ አሳይ ናጋራይ አዬንቶ ሻኪዴ ኤራና ማላ፣ ናጋራይ ሎዖባ ባጋና፣ ታው ሃይቁዋ አሄዳ። ቃሲ አዛዙ፣ «ኦኒኔ ናጋራ ኦላናው ቤሴና» ያጊያ ዲራው፣ ናጋራይ ካሴዋፔ አዲ ኢቲዳ።

አሳ ዳዑባ ጋርሳን ዳዒያ ባዒያ

14 ኦኒ ሂጊ ያሳዋ ጊዲያዋ ኤሬቶ፤ ሺን ታኒ ታና ናጋራው ዘለዒዳ ሃይቁያ አሳ፤ 15 ታኒ ኦሊያዋ ዋዛና አሊኬ፤ አዲሲ ጎፔ፣ ታኒ ኢዒያዋ ኦላይፔ አቲን፣ ታኒ ኦላናው ደሲያዋ ኦሊኬ። 16 ታኒ ኢዒያዋ ኦሊያዋ ጊደፔ፣ ሂጊ ሎዓ ጊዲያዋ ማርካታይ። 17 ሄዋ ጊደፔ፣ ሄ ዬወዋ ታ ቦላ ዳዒያ ናጋራይ ኦሊያዋፔ አቲን፣ ሃዒ ታኒ ኦሊኬ።

18 ታናን፣ ሄዌኔ ታ አሳቲላን ሎዖባይ ዳዒናዋ ታኒ ኤራይ፤ አዲሲ ጎፔ፣ ሎዖባ ኦሊያ አሙ ታ ቦላ ዳዖፔካ፣ ታኒ ሄ ሎዖባ ኦላናናው ዳንዳዬኬ። 19 ታኒ ኢዒያ ኢታባ ኦላይፔ አቲን፣ ታኒ ደሲያ ሎዖባ ኦሊኬ። 20 ሺን ታኒ ኢዒያዋ ኦሊያዋ ጊደፔ፣ ሄዋ ታ ቦላ ዳዒያ ናጋራይ ኦሊያዋፔ አቲን፣ ሃዒ ሄዋ ኦሊያዋ ታና ጊዲኬ።

21 ሲሚ ታኒ ሎዖባ ኦላናው ደሲሺን፣ ኢታባ ኦሊያዋ ታው ሂጊ ጊዲያዋ ዳማዲ። 22 አዲሲ ጎፔ፣ ታኒ ታ ዋዛና ጊደን ያሳ ሂጊያን ናሼታይ፤ 23 ሺን ታ ቦላ ጊደን ዳዒያ ታ ዋዛና ቆፋ ሂጊያን ዋዴቲያ ዳማ ሂጊያ ቤዓይ። ሄ ሂጊ ታ ቦላ ጊደን ዳዒያ ናጋራ ኦሲሲያ ሂጊያን ታና ቃሺሴ። 24 ታኒ አይባ ናሼቺ ባይና አሴ! ታና ሃይቆ አፊያ ሃ አሳቲላፔ አሻናዌ ኦኔ? 25 ኦ ጎዳ ዬሱሲ ኪሪሰቶሳ ባጋና ያሳው ጋላታይ ጊደ።

ሲሚ ታኒ ታ ዋዛና ቆፋን ያሳ ሂጊው ኤኖ ጋይ። ሺን ታ አሳቲላን ታና ናጋራ ኦሲሲያ ሂጊው ኤኖ ጋይ።

8

ጌሻ አያናይ ኮዪያዋዳን ዴቦሳ

1 ሄዋ ዲራው፡ ኪሪሰቶሳ ዩሱሳና ዴቢያዋንቱ ቦላን ፐርዳይ ሃሲ ባዋ፤ 2 አዪሲ ጎፔ፡ ኪሪሰቶሳ ዩሱሳ ባጋና ኑሲ ዴቦቀ አሚያ ጌሻ አያና ሂጊ ታና * ናጋራ ሂጊያ አይሌቴላፔኔ ሃይቁዋ ሂጊያ አይሌቴላፔ ኬሴዳ። 3 አሳ አሳቴላይ ዳቡራንቻ ጊዲያ ዲራው፡ ሂጊ አላናው ዳንዳዪቤናዋ ያሳይ አሌዳ፤ ናጋራንቻቱዋ አሳቴላ ማላ አሳቴላና ዴቢያ ባሬ ናዓ፡ አሳይ አሌዳ ናጋራው ያርሹዋ ጊዳናው ያሳይ ከቲዳ፡ አሳ አሳቴላ ጊዳን ዴቢያ ናጋራ ፐርዳዳ። 4 ጌሻ አያናይ ኮዪያዋዳን ዴቢያዋንቱ ኣቲን፡ ኑ አሳቴላይ ኮዪያዋዳን ዴቢያዋንቱ ቦላ፡ ኑ ቦላ፡ ሂጊያ ዓሎ አዛዙ ፖሊታና ማላ፡ ያሳይ ሃዋ አሌዳ።

5 ባሬንቱ አሳቴላይ ኮዪያዋዳን ዴቢያዋንቱ ባሬንቱ አሳቴላባ ቆፐና፤ ሺን ጌሻ አያናይ ኮዪያዋዳን ዴቢያዋንቱ ጌሻ አያናባ ቆፐና። 6 አሳቴላባ ቆፐሳይ ሃይቁዋ አሄ፤ ሺን ጌሻ አያናባ ቆፐሳይ ዴቦቀኔ ሳርቴላ አሄ። 7 አሳቴላባ ቆፐሳይ ያሳው ኢያ፤ አያው ጎፔ፡ አሳቴላይ ያሳ ሂጌው ኤኖ ጌና፤ ቃሲ ኤኖ ጋናዉካ አው ዳንዳዪቴና። 8 ባሬንቱ አሳቴላው ኤኖ ጊያዋንቱ ያሳ ናሹቻናው ዳንዳይኪኖ።

9 ሺን ያሳ አያናይ ሂንቴንቱን ዴፖፔ፡ ጌሻ አያናይ ጊያዋዳን ዴቢያታፔ ኣቲን፡ ሂንቴ አሳቴላይ ኮዪያዋዳን ዴቢያታ። ሺን ኦኒኔ ኪሪሰቶሳ አያናይ ባይናዋ ጊዳፔ፡ ሄ ኡራይ ኪሪሰቶሳዋ ጊዳና።

10 ሺን ኪሪሰቶሲ ሂንቴንቱን ዴፖፔ፡ ሂንቴ አሳቴላይ ናጋራ ጋሱዋን ሃይቁዳዋ፤ ሺን ሂንቴ አያናይ ዓሎቴላ ጋሱዋን ሂንቴንቱን ፓፃ ዴዔ። 11 ሺን ዩሱሳ ሃይቁዋፔ ዳንሌዳ ያሳ አያናይ ሂንቴ ጊዳን ዴፖፔ፡ ሃይቁዋፔ ኪሪሰቶሳ ዳንሌዳ ያሳይ ቃሲ ሂንቴንቱን ዴቢያ ባሬ ጌሻ አያናን፡ ሃይቁያ ሂንቴ አሳቴላዉካ ዴቦቀ አሚና።

12 ሲሚ ታናዳን አሚኒያዋንቶ፡ ኦኒ አጩዋና ዴዔቶ፤ ኑ አሳቴላይ ኮዪያዋዳን ዴቢያው ኑሲ ቤሴና። 13 አዪሲ ጎፔ፡ ሂንቴ ሂንቴ አሳቴላይ ጊያዋዳን ዴፖፔ፡ ሂንቴ ሃይቃና፤ ሺን ሂንቴ ሂንቴ ናጋራ ኦሱዋ ጌሻ አያናን ዋጶፔ፡ ፓፃ ዴዳና። 14 ያሳ አያናይ ካሌሊያ ኡባቱ ያሳ ናና። 15 አዪሲ ጎፔ፡ ኦኒ ኑ ኮሻ ቶቁ አሊዳ፡ «አባ! ታ አቦ» ያጊዴ ያሲያ፡ ኑና ያሳ ናና ኬሲያ ጌሻ አያና ያሳፔ አኬዶፔ ኣቲን፡ ሳዔሉዋ ያያናው አይሌ ኬሲያ አያና አኪቤይኮ።

* 8:2 ታና፡ ኣቲ ኣቲ ጌሻ ቃላ ቢሌላይ፡ ኔና ዋይ ሂንቴንታ ያጌ፤ ሃራይ ቃይ ኑና ያጌ።

16 የሰ ላያናይ ባሬ ሁጵው ኑ አያናና ጊዲዳ፡ ኑኒ የሰ ናና ጊዲያዎ ማርካቴ። 17 ኑኒ አ ናና ጊደፔ፡ ኢ ባሬ አሳው ሚንጃዳ አንጃዎ ላታና፤ ቃሲ ኑኒ የሰይ ኪሪሰቶሳው ሚንጃዳዋካ አናና ላታና፤ ኑኒ ኪሪሰቶሳ ዋዪያ አናና ሻኮፔ፡ አ ቦንቹዋካ አናና ሻካና።

የሰ ናናው ቆንጫናው ዳዒያ ቦንቹዋ

18 አዪሲ ጎፔ፡ ኑኒ ሃዒ ዋዬቲያ ዋዪያ ኑሲ ሲንላፔ ቆንጫና ቦንቹዋና ጋላናው፡ ኡባካ ዳንዳዬቴና ጋዴ ታኒ ቆፓይ። 19 የሰይ ሜዴዳ ሜዴታ ኡባይ የሰ ናናይ ቆንጫናዋ ሎይሊ ላዎቲ ኡቴዳ። 20 አዪሲ ጎፔ፡ ሜዴታ ኡባይ ማዲ ባይናባ ጊዳናዳን፡ የሰይ አ ቦላ ፒርዴዳ፤ ሲንላፔ ዳማና ጊዴ ናሼቻን ናጊ ኡታናዳን ኡዴዳ የሰይ ኮዬዳ ዲራው ሃኔዳፔ አቲን፡ ሜዴታ ኡባይ ባሬ ሁጵው ኮዬዳዋን ጊዴና። 21 ሜዴታ ኡባይ ባሬ ሁጵው ባሻ አይሌቴላፔ አቲ ጋላሲ ኬሳናዋ፤ ቃሲ ሄ ሜዴታቱ የሰ ናናይ አይሌቴላፔ ኬሴዳ ቦንቹ ኬሳ ሻካና። 22 አዪሲ ጎፔ፡ ሜዴታ ኡባይ አቲፔ ሃዎ ጋካናው፡ ማጫ አሳ ዬሉ ኦይቁና ኦሊያዎዳን፡ ሳኩዋን ኦሊያዎ ኑኒ ኤሬቶ። 23 ቃሲ ሄዎ ፃላላ ጊዴና፤ ኑኒ፡ ጌሻ አያና የሰ ባይራ አዎታዳን ኡዲዳ አኬዳዋንቱ፡ ኑ ሁጵው ቃሲ የሰይ ኑና ባሬ ናና ኦላናዳኒኔ ኑ ኩሜንላ አሳቴላ ዎዛናዳን ናጊዴ፡ ኑ ጊደን ኦሊቶ። 24 አዪሲ ጎፔ፡ ኑኒ የሰይ ኢማና ጌዳዋን አቴደ። ሺን ኑኒ የሰይ ኢማና ጌዳዎ ቤዖፔ፡ ያቲና፡ ሄዎ ናሼቻን ናጊያዎ ጊዴና፤ አዪሲ ጎፔ፡ ባሬ ቤዒያዎ ዳማና ጊዴ፡ ናሼቻን ናጊያዎ ኦኔ? 25 ሺን ኑኒ ቤዒናዎ ዳማና ጊዴ፡ ናሼቻን ናጎፔ፡ ሄዎ ዳንዳዪዳ ናጌቶ።

26 ሃዎዳን ቃሲ ጌሻ አያናይ ኑ ዳቡራ ማዳናው ዬ፤ አዪሲ ጎፔ፡ ኑኒ የሰ ዎቲ ዎሳናው ቤሲንቶ ኤርኮ፤ ሺን ጌሻ አያናይ ባሬ ሁጵው ቃላን ቆንጫሳናው ዳንዳዬቴና ኦሊያን ኑሲ ጋናቴ። 27 ቃሲ አሳ ዎዛና ቢዲያ የሰይ፡ ጌሻ አያናይ ኢ ኮዪያዎዳን፡ የሰ ናቶ ጋናቲያ ዲራው፡ ጌሻ አያና ቆፋይ አዬንቶ ኤሬ።

28 የሰይ ባሬና ሲቁያዋንቶ፡ ባሬ ቆፋዳን ፃሴዳዎንቶ፡ ኡባ ዬወዎ ሎዖቴላው ኦሊያዎ ኑኒ ኤሬቶ። 29 የሰይ ባሬ ናዓይ ጮራ ኢሻቱዎ ጊደን ባይራ ጊዳናዳን፡ ኢ ካሴ ኤሬዳዎንታ ቃሲ ባሬ ናዓ ማላታናዳን፡ ካሴቲዴ ቆፋ ቃቹዳ። 30 የሰይ ካሴቲዴ ቆፔዳዎንታ፡ ኡንቱንታ ቃሲ ፃሴዳ፤ ሄ ፃሴዳዎንታካ ጌሼዳ፤ ሄ ጌሼዳዎንታካ ቃሲ ቦንቹዳ።

የሰ ሲቁዎ

31 ያተና፡ ኮኒ ሃዋ ኡባ ዋጋኔ? ያሳይ ኑ ባጋ ጊደፔ፡ ኑና ኮኒ ኤቁታናዊ? 32 ኢ ሃራይ አቶ ባሬ ናባካ ዋዪያፔ ጉዬ አሺቤና፤ ሺን አ ኑሲ ኡባው አሊዳ ኢሚ አጌዳ። ኢ ባሬ ናባ ኢሜዳዊ ቃሲ ኑሲ ኡባባ ጮ ኢሜኔ?

33 ያሳይ ደሬዳዋንታ ኦኔ ሞታናዊ? ያሳይ ባሬ ሁጹው ኡንቱንታ ጂሊሴዳ። 34 ያተና፡ ኡንቱንቱ ቦላ ፒርዳናው ዳንዳዪያዊ ኦኔ? ሄዋ ጎፔ፡ ሃይቁዋፔ ዳንዲዳ፡ ያሳፔ ኡሺቻ ባጋና ኡቴዳ፡ ኪሪሰቶሲ ዬሱሳ፤ ኢ ቃሲ ኑሲ ጋናፔ።

35 ሲሚ ኑና ኪሪሰቶሳ ሲቁዋፔ ሻካናዊ ኦኔ? ዋዪ ዋይ ሜቱ ዋይ ዬዳርሱ ዋይ ኮሻይ ዋይ ካሉ ዋይ ያሻይ ዋይ ኦላይ ኑና ሻካኔ? 36 ያሳ ማፃፋይ፡ «ኮኒ ኔ ዲራው፡ ኡባ ጋላሲ ሃይቁቶ፤ ሹካው አፊያ ደርሳዳን ፓይዳቴቶ» ያጌ። 37 ሺን ኮኒ ኑና ሲቁዳ ኢኒ ሃ ዬጩዋ ኡባን ኑና ያኒያዋንቱፔ አጭቶ።

38-39 አዪሲ ጎፔ፡ ሃይቁዋ ጊዲና፡ ዴዑዋ፡ ኪታንቻቱዋ ጊዲና፡ ሞዲያዋንታ፡ ሃዲ ዴዲያዋንታ ጊዲና፡ ሲንሳፔ ያናዋ፡ ዋልቃማቱዋ ጊዲና፡ ቦላ ሳሉዋ ጊዲና፡ ጋርሳ ሳባ፡ አይ ሜጴታ ጊዲናካ፡ ኑ ጎዳ ኪሪሰቶሳ ዬሱሳን ዴዲያ ያሳ ሲቁዋፔ ኑና ሻካናው ዳንዳዬናዋ ታኒ ኤራዲ።

9

ያሳይ ካሴ ደሬዳ ኢሰራዔሊያ አሳ

1 ታኒ ቱሙዋ ሃሳያይ፤ ታኒ ኪሪሰቶሳሳ፤ ቃሲ ዋርደቲኬ። ጌሻ አያናይ ሞዲያ ታ ቲላ ዋዛናይ ታኒ ዋርደቲናዋ ታው ማርካቲ። 2-3 ታው አሹዋን ዛሬ ጊዲያ ታናዳን አማኒያዋንቶ፡ ታ ዋዛናን ዳር ቃሬታይኔ አጌና ቆፋይ ዴዔ። አዪሲ ጎፔ፡ ታኒ ታ ሁጹው ኡንቱንቱ ዲራው፡ ያሳ ሺቃፔ ጋርሳና ዴዳሪኪታሻ! ቃሲ ኪሪሰቶሳፔካ ሻኬታሪኪታሻ! 4 ኡንቱንቱ ኢሰራዔሊያ አሳቱዋ፤ ያሳይ ኡንቱንታ ባሬ ናና ኡዲዳ፡ ባሬ ቦንቹዋ ኡንቱንቱና ሻኬዳ። ኡንቱንቱና ቃላ ጌሊዳ፡ ሂጊያ ኡንቱንቶ አሜዳ። ኡንቱንቱ ያሳው ቤሲያ ኦጊያን ጎዪኒኖ፤ ቃሲ ያሳይ አማና ጌዳዋካ አኬዲኖ። 5 ኡንቱንቱ ዜሬላኒ ካሴ አዋቱዋ ዛሬ፤ ቃሲ ኪሪሰቶሲካ አሹዋን ኡንቱንቱ ዛሬ። ኢ፡ ኡባፔ ቦላ ጊዲዳ ሞዲያ፡ ሜጲናው ጋላቴቱዳዊ ያሳ። አሜንዲ።

6 ሺን ታኒ፡ «ያሳይ አማና ጌዳዊ አታና» ያጊኬ። አዪሲ ጎፔ፡ ኢሰራዔሊያ አሳ ኡባቱ ያሳይ ደሬዳዋንታ ጊዲኪኖ። 7 ቃሲ

አብራሃም ዜሬላቱ ኡባቱ ጾሳ ናና ጊዲኪኖ። ጾሳይ አብራሃምሱ። «ኔ ዜሬላይ ዩሳቃ ባጋና ያሴታና» ያጌዳ። 8 ሄዋ ጉሳይ ኡንቱንቱ ጾሳይ ኢማና ጌዳ ኦጊያን ዩሌቴዳ ናናይ ዛሪያዳን ፓይዳታና፤ ሺን አሳ ቆፋዳን ዩሌቴዳዋንቱ ጾሳ ናና ጊዲኪኖ ጉሳ። 9 አዩሲ ጎፔ። ጾሳይ ኢማና ጊዳ ሃሳዬዳዊ ሃዋ፤ «ታኒ ሃ ጌቴቴዳዋዳን ሄዋዳ ያና፤ ሳራካ አቱማ ናባ ዩላና» ያጌዳ።

10 ሄዋ ጻላላካ ጊዳና፤ ኢርቢቃ ዩሌዳ ማንቱ ናና አዉ ኢቱዋ፤ ኢካ ኑ አዉዋ ዩሳቃ። 11-12 ሺን ኢቱ ናባ ዶሬዳ ጾሳይ ባሬ ሁጹው ቆፔዳዋ ጊዳናዳን። ጾሳይ ኢርቢቁው። «ባይራይ ቱፋው አዛዜታና» ያጌዳ፤ ኢ ሄዋ ኡንቱንቱ ዩሌታናፔኔ ኢታባ ዋይ ሎዖባ አይኔ አላናፔ ካሴና ጌዳ። ሄዋ ዲራው። ጾሳ ዶሩ አ ያሴዳዋዳኒፔ አቲን። ኡንቱንቱ ኦሌዳዋና ጊዳና። 13 ጾሳ ማፃፋይ። «ያዩቆባ ሲቃዲ፤ ሺን ኤሳ ኢፃዲ» ያጌ።

14 ያቲና። ኮኒ ዋጋኔ? ጾሳይ ዳሺሲዳ ፒርዲ? ሄዋ ጊዳና። 15 አዩሲ ጎፔ። ሙሴው ኢ።

«ታኒ ማራናው ኮዩያዋንታ ማራና፤ ቃሲ ቃሬታናው ኮዩያዋንቱሲካ ቃሬታና» ያጌዳ። 16 ሲሚ ጾሳይ አሳ ማሪያዊ ኢ ማራናው ኮዩያ ዲራሳፔ አቲን። አሳይ ኮዩያ ዋይ ኦሌያ ዲራሳ ጊዳና።

17 አዩሲ ጎፔ። ጾሳ ማፃፋይ ጊብዳ ካቲያሲ። «ታኒ ታ ዋልቃ ኔናን ቤሳናዉኔ ታ ሱንሳይ አሳሚያ ኡባን ኦዳታናው። ሄዋሲ ታኒ ኔና ካዉላዲ» ያጌ። 18 ሲሚ ጾሳይ ማራና ኮዩያዋ ማሬ፤ ቃሲ ዋዛና ጎርዳና ኮዩያዋ ዋዛና ጎርዳ።

ጾሳ ሃንቁዋኔ ማርታ

19 ሲሚ ሂንቱ ታና። «ሄዋ ቱማ ጊዳፔ። ጾሳይ አሳ ባዩዙዋሲ አያው ቶሺ? ጾሳይ ጌዳዋ ኢፃዲ ጋናዌ ኦኔ?» ያጋናው ዳንዳዩታ።

20 ሺን ታ ላጌው። ጾሳሲ ዛራናው ኔኒ ኦኔ? ኡርቃፔ ማጴቴዳ ሚሻይ ጉዬ ዛሪዳ ባሪና ማጴዳዋ። «ታና ሃዋዳን አዩሲ ማጴዳ?» ጊዳ ኦቻናው ዳንዳይ? 21 ዋይ ኡርቃ ማጴያዊ ባሬ ማጴያ ኡርቃ ባሬ ኮዩያዋዳን ኦላናዉኔ ኢቱ ማላ ኡርቃፔ ኢቱዋ ቦንቾ ሚሻ ኡዲዳ። ቃሲ ኢቱዋ ቶሼቴዳ ኦሱዋ ኦሌያ ሚሻ ኡዲዳ ማጴናው አው ማቲ ባዌ?

9:7 ዶዋ 21:12 9:9 ዶዋ 18:10 9:11-12 ዶዋ 25:33 9:15 ኬስ 33:19 9:17 ኬስ 9:16 9:20 ኢሳ 29:16፤ 45:9

22 ያሳይ ኦሎዳዊ ሃዋና ኢቱዋ። ኢ ባሬ ሃንቁዋ ቤሳናውኔ ባሬ ዋልቃ ኤሪሳናው ኮዬዳ፤ ኢ ባሬ ሃንቁዋን ፒርዳናዋንታ፡ ባዪዛናው ገሊ ኡቲዳዋንታ፡ ዳሮ ገንጨዋን ዳንዳዬዳ። 23 ቃሲ ኢ ማሬዳዋንቶ፡ ባሬ ቦንቹዋ ኣካናው ገሊሲ ዋዕዳዋንቱሲ ኢ ኣይ ከና ቦንቹቲንቶኔ ቤሳናው ኮዬዳ። 24 ኑኒ ኢ ዔሴዳዋንታ፤ ሺን ኣዪሁዳ ኣሳ ዓላላፔ ጊዴናን፡ ኣዪሁዳ ጊዴና ኣሳ ጊዶፔካ ዔሴዳ።

25 ሆሴዓ ማፃፋን ኢ ጊያዌ ሃዋ፤
 «ታ ኣሳ ጊዴናዋንታ፡
 «ታ ኣሳ» ጋዴ ዔሳና።
 ታኒ ሲቃቤና ዛሪያካ፡
 «ታ ሲቃቶ» ጋዴ ዔሳና።

26 «ሂንቱንቱ ታ ኣሳ ጊዲኪታ» ጊያዋ
 ኡንቱንቱ ሲሴዳ ሄ ሳዓን፡
 ኡንቱንቱ፡ «ዴዑዋ ያሳ ናና» ጌቲቲዴ ዔሴታናዋንታ»
 ያጌ። 27 ኢሲያሲ ኢሰራዔሊያ ኣሳባ ያጊዴ ሃሳዬዳ፤
 «ኢሰራዔሊያ ኣሳይ ኣባ ማታን
 ዴዒያ ሻፊያ ከና ጊዶፔካ፡
 ኡንቱንቱፔ ኣማሬዳዋንቱ ዓላላይ ኣታና።

28 ኣዪሲ ጎፔ፡ ጎዳይ ሳዓ ቦላን
 ዴዒያ ኣሳ ኡባ ቦላ
 ኤሌካ ፒርዳና»

ያጌዳ። 29 ኢሲያሲ ካሴቲዴ፡
 «ኡባፔ ዋልቃማ ጎዳይ ኑሲ
 ኣማሬዳ ዜሬላ ኣሽኔንቶ፡
 ኑኒ ሶዶማ ካታማዳኒኔ
 ጋሞራ ካታማዳን ሃኔዶሺን»

ያጊ ሃሳዬዳ።

30 ያቲና፡ ኑኒ ዋጋኔ? ዔሎቴላ ኮዪቤና ኣዪሁዳ ጊዴና ኣሳይ ኣማኑዋን ዔሌዳ፤ 31 ሺን ኢሰራዔሊያ ኣሳይ ባሬንታ ዔሊሲያ ሂጊያ ኮዬዳዋንቱ ሄ ሂጊያ ዴሚቤይኪኖ። 32-33 ኣዪሲ ዴሚቤይኪኖ? ኡንቱንቱ ኦሱዋናፔ ኣቲን፡ ኣማኑዋን ዔሎቴላ ኮዪቤና ዲራሳ። ኡንቱንቱ ያሳ ማፃፋይ፡
 «ኣኬኪቲ፤ ታኒ ዔዮኔን ኣሳ ቋቢያ ሹቻ፡
 ኡንቱንቱ ኦጊያን ዛላ ዋላና።
 ሺን ኣኒ ኣማኒያ ኦኒኔ ዬላቴና»

ያገዳ ፃፊቶዋዳን ጹቢያ ሹቻን ጹቤቴዲኖ።

10

ኢስራዔሊያ አሳይ ያሳ ኦጊያ ካሊቤና

1 ታናዳን አማኒያዋንቶ፣ ታኒ ኢስራዔሊያ አሳው ታ ኩሜንገላ ዋዛናፔ አሞቲያዌኔ ያሳ ዋሲያዌ ኡንቱንቱ አታናሳ፤ 2 አዩሲ ጎፔ፣ ኡንቱንቱ ያሳው ኦላናው ሎይሊ ኮዪያዋ ታኒ ማርካታይ፤ ሺን ኡንቱንቱ ያሳው ኦላናው ሎይሊ ኮዪያ ኮሻይ ቱሙ ኤራቴላፔ ጊዴና። 3 አዩሲ ጎፔ፣ ያሳይ አሳ ዲሊሲያ ኦጊያ ኡንቱንቱ ኤሬናን፣ ባሬንቱ ሁጵ ዲሎቴላ ኤሳናው ኮዬዲኖ፤ ቃሲ ባሬንቱ ሁጵው ያሳይ አሳ ዲሊሲያ ኦጊው ኤኖ ጊቤይኪኖ። 4 አዩሲ ጎፔ፣ አማኔዳ ኡባይ ዲላናዳን፣ ኪሪሰቶሲ ሂጊያ ቆፋ ፖሌዳ።

አቶቴላይ ኡባሳ

5 አሳይ ሂጊው አዛዜቲዴ ዲሊያባው ሙሴ፣ «ሂጊ አዛዚያዋ ኦሊያ ኦኒኔ ሄ ሂጊያን ፓፃ ዴባና» ያገ ፃፊዳ፤ 6 ሺን አማኑዋን ዲሊያባው ጌቴቴዳዌ ሃዋ፤ «ኔ ዋዛናን፣ ሳኒ ሳሉዋ ፑዴ ባኔ?» ጎፓ። ሄዌ ኪሪሰቶሳ ዲጌ ዋላናሳ፤ 7 ዋይ ሩዲጌ ሳባ ጋርሳ ዋዳናዳ ኦኔ?» ጎፓ። ሄዌ ኪሪሰቶሳ ሃይቁዋፔ ዴንላናሳ። 8 ሺን ኢ ጊያዋ ሃዋ፤ ሳሳ ቃላይ ኔ ማታና፤ ኔ ዶናኒኔ ኔ ዋዛናን ዴዔ» ጌቴቴዳ» ያጌ። ሄዌካ ኦኒ ሂንቱንቶ ኦዲያ አማኑዋ ቃላ።

9 ኔኒ፣ «ዩሱሲ ጎዳ» ጋዴ ኔ ዶናን ማርካቶፔ፣ ቃሲ ያሳይ ሃይቁዋፔ አ ዴንጼዳዋ ኔ ዋዛናን አማኖፔ፣ ኔኒ አታና። 10 አዩሲ ጎፔ፣ አሳይ ባሬ ዋዛናን አማኒዴ ዲሊ፤ ባሬ ዶናንካ ማርካቲዴ አቴ። 11 ያሳ ማፃፋይ፣ «ኣኒ አማኒያ ኦኒኔ ዩላቴና» ያጌ። 12 አዩሁዳ አሳኔ አዩሁዳ ጊዴና አሳ ጊዶን ዲማቴላይ ባዋ። ኢቲ ያሳይ ኡባ ጎዳ፤ ኢ ባሬና ያሲያ ኡባቶ ዳር ኬካ። 13 አዩሲ ጎፔ፣ ያሳ ማፃፋይ፣ «ጎዳ ሱንገላ ያሲያ ኦኒኔ አታና» ያጌ።

14 ያቲና፣ ኡንቱንቱ አ አማኒቤናዋንታ ጊዶፔ፣ ዋቲ አ ያሳናው ዳንዳዪኖ? ቃሲ ቃላ ሲሲቤናዋንቱ ዋኒ አማናናው ዳንዳዪኖ? ቃላ ኦዲያዌ ዳዮፔ፣ ኡንቱንቱ ዋኒ ሲሳናው ዳንዳዪኖ? 15 ቃሲ ቃላ ኦዲያዋንቱ ኪቴቴናን አሳፔ፣ ኦሱ ዋቲ ኦዴታናው ዳንዳዪኖ? አዩሲ ጎፔ፣ ያሳ ማፃፋይ፣ «ናሹቺያ ሚሺራቺዋ ኦዲያዋንቱ ዩሳይ ዋቲ ሎዒ!» ያጌ።

9:32-33 እሳ 28:16 10:5 ዋግ 18:5 10:6 ዛር 30:12-14 10:11
እሳ 28:16 10:13 እዩ 2:32 10:15 እሳ 52:7

16 ሺን ኡንቱንቱ ኡባይ ዋንጋላው ኣዘዘቲቤይኪና፤ ኣዪሲ ጎፔ ኢሲያሲ። «ታ ጎዳው፥ ኑኒ ማርካቴዳዋ ኦኒ ኣማኔዳ?» ያጌዳ።

17 ሲሚ ኣሳይ ቃላ ሲሲዳ ኣማኔ፤ ቃሲ ኢቲ ኡራይ ኪሪሰቶሳ ቃላ፥ ኦዲና ሲሲ።

18 ሺን ኡንቱንቱ ቃላ ሲሲቤናዌ ቱሜ ጋዴ ታኒ ኣቻይ። ቱማ ኡንቱንቱ ሲሲዲና፤ ያሳ ማፃፋይ፥

«ኡንቱንቱ ሃሳያ ኮሻይ

ሳዓ ኡባን ላሌቴዳ፤
ኡንቱንቱ ቃላይካ ሳዓ ጋፃ ጋኬዳ»

ያጌዳ። 19 ሺን ኢሰራዔሊያ ኣሳቱ ኤሪቤይኪኖዬ ጋዴ ታኒ ኣቻይ። ሙሴ ካሴ፥

«ታኒ ሂንቱንታ ኣሳ ጊዳና ኣሳቱዋን ሴሊሳና፤
ቃሲ ኤያ ኣሳቱዋን ታኒ ሂንቱንታ ሃንቱላሳና»

ያጌዳ። 20 ቃሲ ኢሲያሲ ዳር ፃሊዳ፥
«ታና ኮዪቤናዋንቶ ቤታዲ፤

ታና ኦቲቤናዋንቶካ ቆንጫዲ»

ያጌ። 21 ሺን ኢሰራዔላቱዋባ ኢ ሃሳዪዳ፥
«ጋላሳ ኡባ ኣዘዘቲናዋንቶኔ

ታዋ ኢዲያዋንቶ ታ ኩሺያ ሚጫዲ»
ያጌ።

11

ያሳይ ኢሰራዔሊያ ኣሳ ዉርሲ ኦሊቤና

1 ያቲና፥ ያሳይ ባሬ ኣሳ ኢፃዳ ጋዴ ኦቾ? ሄዋ ጊዳና፤ ኣዪሲ ጎፔ፥ ታኒ ታ ሁጴው ኢሰራዔሊያ ኣሳ፤ ኣብራሃሚ ዛሬ፤ ቢኒያማ ያራ።

2 ያሳይ ኮይር ዶሬዳ ባሬ ኣሳቱዋ ኢፃና፤ ያሳ ማፃፋይ፥ ኤላሳ ታሪኪያ ጊደን፥ ኤላሲ ኢሰራዔላቱዋ ያሳ ሲንፋን ዋቲ ሞቲንቶ፥ ሂንቱ ኤሪታ።

3 «ጎዳው፥ ኡንቱንቱ ሄ ሱንፋን ናባቱዋ ዋዲና፤ ኔ ያርሺያሳካ ኮሌዲና። ያቲና፥ ታኒ ታ ፃላላይ ኣታዲ። ቃሲ ኡንቱንቱ ታናካ ዋዳናው ኮዪና» ያጌዳ።

4 ያሳይ ኣው ዋጊ ዛሬዳ? «ታኒ ኤቃ ባዓላው ጉልባቲቤና ላፑ ሻዓ ኣሳ ታው ኣሻዲ» ያጌዳ።

5 ሃዋዲንካ ቃሲ ሃ ዋዲያን፥ ያሳይ ባሬ ኣጵ ኬካቴላን ዶሬዳ ኣማሬዳ ኣሳቱ ዳዒና።

6 ሺን ኢ ባሬ ኣጵ ኬካቴላን ዶሬዳ፤

10:16 ኢሳ 53:1 10:18 ማዘ 19:4 10:19 ዛር 32:21 10:20 ኢሳ 65:1
10:21 ኢሳ 65:2 11:3 1ካት 19:10፣ 14 11:4 1ካት 19:18

አቲን፡፡ ኡንቱንቱ ኦሱዋን ኡንቱንታ ዶሪቤና፤ ሄዌ ጳዮፕ፡ አ አጾ ኬካቴላይ ቱሙ አጾ ኬካቴላ ጊዳና።

7 ያቲና፡ አይዎ? ኢሰራዔሊያ አሳቱ ባሬንቱ ኮዪያዎ ዴሚቤይኪና፤ ሺን ያሳይ ዶሪዳ አማራዳዋንቱ ዴሚዲና። ዮኮንቱ ዋዛናይ ሚኔዳ። 8 ሃዋዳንካ፡ ያሳ ማፃፋይ፡

«ያሳይ ኡንቱንቱ ባሬንቱ አይፊያን ቤዔናዲኔ
ባሬንቱ ሃይላን ሲሴናዳን፡
ሃዋ ጋካናው ኡንቱንቶ
አዛላ አያና ኢሜዳ»

ያጌዳ። 9 ቃሲ ዳዊቱ ያጌዳ፤

«ኡንቱንቱ ሚያ ጋይታይ ኡንቱንታ ጳሪያዳን አይቆ፤
ኡንቱንታ ጉፋንሶ፤ ኡንቱንቶ ኩሺያ ሺሪ ጨጎ።

10 ኡንቱንቱ ያሌናዳን፡ ኡንቱንቱ አይፊ ጎዜቶ፤
ኡባ ዋዴ ባሬንቱ ሜቱዋን ቁኒዴ ዳዒኖ»

ያጌዳ።

11 ያቲና፡ አዪሁዳቱ ጴቤቲዳ ዋዴ፡ ዴንዴናዳን ኩንዴዲኖ? ሄዋ ጊዳና፤ ኡንቱንቱ ናጋራ ኦሌዳ ዲራው፡ አቶቲላይ ኡንቱንቱ አዪሁዳ ጊዳና አሳቱዋ ቃናታናዳን፡ አዪሁዳ ጊዳና አሳው ዬዳ።

12 ሺን አዪሁዳቱ ናጋራ ኦሌዳ ዲራው፡ አላሚው ዳር አንጁ ዬዳ፤ ቃሲ ኡንቱንቱ ኩንዴላይካ አዪሁዳ ጊዳና አሳው ዳር አንጁዋ አሄዳ። ያቲና፡ አዪሁዳቱ ኡባይ ጉጃቲያ ዋዴ፡ አንጁ ዋይሳ ኬና ዳራንዴሻ!

አዪሁዳ ጊዳና አሳይ አታና አቶቲላ

13 ሺን ታኒ ሃዒ ሂንቱንቶ፡ አዪሁዳ ጊዳና አሳው ሃሳያይ፤ ታኒ አዪሁዳ ጊዳና አሳው ዬሱሲ ኪቲዳዋ ጊዲያ ዲራው፡ ታ ኦሱዋ ቦንቻና። 14 ታኒ ታ ዛሬ ጊዲያ አሳቱዋ ቃናታንቻቱዋ ኡዶፕ፡ ኦኒ ኤሪ ኡንቱንቱ አማራዳዋንታ አሺናን አገኪ። 15 አዪሲ ጎፕ፡ ያሳይ ኡንቱንታ ኢጭዳ ዋዴ፡ ሃ አላሚ ያሳና ሲጌቲዳ። ያቲና ያሳይ ኡንቱንታ ሺሺ አኪያ ዋዴ፡ ሃይቄዳዌ ዴዑዋ ዴማናፕ አቲን፡ አዬ ሃናኔ?

16 ኮይሮ አይፌ ባጋ ሙናቃይ አንጃቲዳዋ ጊዶፕ፡ ሙሜ ሙናቃይካ ቃሲ አንጃቲዳዋ ጊዳና፤ ኢቲ ሚላ ፃጵ አንጃቲዳዋ ጊዶፕ፡ ሃይላይ ኡባይካ ቃሲ አንጃቲዳዋ ጊዳና። 17 ሺን ዋራን ደሌዳ ዋጋራ ሚላ ቃንካፕ ኢቱዋ ኢቱዋ ካሬዳሳን፡ ኔና ዋራን ደሌዳ ዋጋራ ሚላ ማላ ሄ ዋጋራና ጋሊ ቃቺዶ፤ ኔኒ ቃሲ ዛይቲ

11:8 ዛር 29:4፤ ኢሳ 29:10 11:9 ማዝ 69:22-23

ከሲያ ዋጋራ ሚላ ፃጹዋና ኢቲፔ ዳዓ። 18 ሲሚ ኔኒ ሄ ካሬቲ ዋጆዳ ቃንካቱዋ ቦላን ኦቶሬታናው ቤሴና፤ ሺን ኔኒ ኦቶሬቲያዋ ጊደፔካ። ፃጹ ኔና ቶኬፔ ኦቲን፣ ኔኒ ፃጹዋ ቶኬናዋ ኦኬካ።

19 ሄዋ ዲራው ኔኒ፣ «ኤ፤ ሺን ቃንካቱ ታኒ ኡንቱንቱ ሳዓን ጌላናዳን ካሬቲዲኖ» ያጋና። 20 ሄዋ ቱማ፤ ኡንቱንቱ ኦማኒቤና ዲራው፣ ካሬቲዲኖ፤ ኔኒ ኦማኔዳ ዲራው፣ ሄ ሳዓን ኤቃዳ። ሺን ያያፔ ኦቲን፣ ኦቶሮ ቆፋ ቆፖፓ። 21 ኦዲሲ ጎፔ፣ ያሳይ ሜጴታ ቃንካ ማላቲያዋንቶ፣ ኦዲሁዳቶ ቃሬቲቤናዋ ጊደፔ፣ ኔው ቃሬቲያዋ ማላቲ።

22 ሲሚ ያሳ ከካቲላኔ ፃላቲላ ቤዓ። ኩንዳዳዋንቶ ኢ ፃላ፤ ሺን ኔኒ ኦ ከካቲላኒ ሚናዳ ዳዎፔ፣ ኢ ኔው ከካ፤ ሄዋ ጳዮፔ፣ ኔኒካ ቃሲ ካሬታና። 23 ኦዲሁዳቲካ ቃሲ ኦማኔናን ኢዲያዋ ኦጎፔ፣ ያሳይ ካሴ ኡንቱንቱ ዳዒያሳን ዛሬዳ ዋላና፤ ኦዲሲ ጎፔ፣ ኢ ኡንቱንታ ዛሬዳ ዋላናው ዳንዳዬ። 24 ኦዲሲ ጎፔ፣ ያሳይ ሂንቲንታ ዋራን ዳዒያ ኮይሮ ሜጴታ ዋጋራ ሚላፔ ቃንዲዳ፣ ሂንቲንቱ ሜጴታን ዋራን ደሎዋንቱዳን ጊዳናን ጋዴን ቶኬዳ ዋጋራ ሚላና ጋሴ ኦይሴዳዋ ጊደፔ፣ ያቲና፣ ሄ ካሬቲ ዋጆዳ ኮይሮ ሜጴታ ቃንካቱዋ ዛሬሴዳ፣ ኡንቱንታ ኮይሮ ሜጴታን ደሌዳ ባሬንቱ ዋጋራ ሚላና ጋሴ ቃቻናው፣ ኦ ኦዬ ያናናዌ?

ያሳ ማርታይ ኡባሳ

25 ታናዳን ኦማኒያዋንቶ፣ ታኒ ሂንቲ ኤራናዳን ኮዲያ ቱሙ ፀራ ዬዉ ዳዔ፤ ሄዋ ሂንቲ ሂንቲንታ ሂንቲሬካ፣ ኦኒ ኦጴዳ ኤራንቻ ያጊዳ ቆፒያዋ ዲጌ፤ ኢሰራዔሊያ ኦሳፔ ባጋይ ሲሴናን ኢዲዳ፤ ሺን ሄ ሲሴናን ኢዲያዌ ኦዲሁዳ ጊዳና ኦሳ ኩሜንላ ፓይዱ ያሳኮ ጋካናሲ ጋሚዳና። 26 ሃዋዳንካ፣ ኢሰራዔሊያ ኦሳይ ኡባይ ኦታና፤ ያሳ ማፃፋይ ሃዋዳን ያጌ፤

«ኦሺያዌ ዲዮኔ ጌቲቲያ ካታማፔ ዪዳ፣ ናጋራ ኦሱዋ ኡባ ያዪቆባ ዛሬያፔ ዲጋና።

27 ታኒ ኡንቱንቱ ናጋራ ኦቶ ያጊያ ዋዳ፣ ኡንቱንቱና ጌላና ቃላ ጫቁ ሃዋ»

ያጌ።

28 ኦዲሁዳ ጊዳና ኦሳቶ፣ ኦዲሁዳቲ ዋንጋላ ሚሺራቱዋ ባጋና ሂንቲ ዲራው፣ ያሳና ዋርኬ፤ ሺን ያሳ ደራዋ ባጋና ኦዋቱዋ ዲራው፣ ኡንቱንቱ ኢ ሲቂያዋንታ። 29 ኦዲሲ ጎፔ፣ ያሳይ ባሬ ኦማዳዋ ጉዬ ኦኬና፤ ቃሲ ባሬ ዪሴዳዋ ኢዳዲ ጌና። 30 ኦዲሁዳ ጊዳናዋንቶ፣ ያሳው ሂንቲ ካሴና ኦዛዜቲቤይኪታ፤ ሺን ኦዲሁዳቲ

አዛዜቴናን ኢጭዳ ዲራው። ያሳ ማርቴሳ ሃዒ ሂንቴ አኩዲታ።
31 ሃዋዳን፣ ሂንቴ አኩዳ ማርቴሳ ዲራው፣ አዪሁዳቱ ቃሲ ያሳ ማርቴሳ ሃዒ አካናዳን፣ ያሳው አዛዜቴናን ኢጭዲሮ። 32 አዪሲ ጎፔ፣ ያሳይ አሳ ኡባ ማራና ማላ፣ አሳይ ኡባይ አው አዛዜቴናን ኢጭያ ሃኖታን ቃቼዳ።

33 ያሳ ዱሪቴላይ ዋይሳ ከና ዳሬ? አ አቆ ኤራቴላይኔ አ ኤራቴላይ ዋይሳ ከና ጨሜ? አ ፐርዳ ኦዳናዊ ኦኔ? ኢ ባሬ ኦሊያዋ አዪሲ ኦሊንቶ፣ ኦኔ አኬኪያዌ? 34 ሄዋ ያሳ ማፃፋይ፣ «ጎዳ ዋዛና ኤሪያዌ ኦኔ? አ ዘራናው ዳንዳዪያዌ ኦኔ? 35 ዋይ ባሬ ኩሺያ ዘራና ማላ፣ አው ኢቲባ ኢሜዳዌ ዳዒ?» ያጌ።

36 አዪሲ ጎፔ፣ ኡባባ ኢ ሜዴዳ፤ ቃሲ ኡባባይካ አ ማታኒኔ አዉኔ ዳዔ፤ ያሳው ሜዲናው ቦንቹ ገደ። አሜንዒ።

12

ያሳው አላናዳን ኮኒ ዋኒዳ ዳዒናው ቤሲ?

1 ሲሚ ታናዳን አማኒያዋንቶ፣ ሂንቴ ሂንቴ ኦናቴሳ ያሳ ናሽቼያ ዴዎኔ ጌሻ ያርሹዋ ኡዲዳ፣ ያሳው ሽሻናዳን፣ ታኒ ሂንቴንታ ያሳ ማርቴሳን ዋሳይ፤ ያሳው ሂንቴ ጎዪናናው ቤሲያ ቱሙ አኒ ሄዋ።

2 ያሳይ ሂንቴ ቆፋ ኡባና ዲማዪዳ፣ ሂንቴንታ ላዋፔ አቲን፣ ሃ አላሚያ አሳ ማላቶፒቴ። ሄ ዋዴ ሂንቴ፣ ያሳ ሽኒ፣ ሎዎባይ፣ አ ናሽቼያባይኔ ቃሲ ፖሎ ገዴዳባይ አዬንቶ ኤራኒታ።

3 ያሳይ ታው ኢሜዳ አቆ ከካቴላን ታኒ ሂንቴንቶ ኦዳይ። ሂንቴንቱ ቆፓናው ቤሲያዋፔ አሊዳ፣ ኦቶሩዋን ቆፖፒቴ፤ ሄዋ አኒዳ፣ ዋዛናማ አሳዳን ቆፒቴ፤ ያሳይ ሂንቴንቶ ሁጲያን ሁጲያን ኢሜዳ አማኑዋ ከናን ሂንቴ ቦላ ፐርዲቴ። 4 ኦ ኢቲ ቦላ ገደን፣ ጮራ ቦላ ቆዋቱ ዳዒና፤ ሄ ቆዋቱዋ ኡባዉካ ዲማ ዲማ ኦሱ ዳዔ። 5 ሃዋዳን፣ ኮኒ ጮራ አሳ ገደፔካ፣ ኪሪሰቶሳ ባጋና ኢቲ አሳ። ቃሲ ኮኒ ኢቲ አሳቴሳ ቆዋቱዋዳን፣ ኢቱ ኢቱዋና ኦይቄቲ ኡቴዶ። 6 ያሳይ ኦሲ ኢሜዳ አቆ ከካቴላን ዲማ ዲማ ኢዋታይ ዳዔ። ኦ ኢዋታይ ናቤቴሳ ገደፔ፣ ኦሲ ዳዒያ አማኑዋ ከና ኦዳናው ቤሲ። 7 ሃራቱዋ ማዲሳ ገደፔ፣ ሄ ኦሱዋን ሚናናው ቤሲ፤ ታማሪሱሳ ገደፔ፣ ሄ ታማሪሱዋን ሚናናው ቤሲ። 8 ሃራ አሳቱዋ ሚኒሱሳ ገደፔ፣ ሄ ኦሱዋን ሚናናው ቤሲ። ባሬ ሁጲው ዳዒያባፔ ሃራቱዋሲ ኢሚያ ኦኒኔ ዋዛናፔ ኢዋ። ማታይ ዳዒያ

11:33 ኢሳ 55:8 11:34 ኢሳ 40:13 11:35 ዮብ 41:11 11:36 1ቆር 8:6

ኡራይ ሚኒሲ ኦላናው ቤሴ፤ ሃራቱዋሲ ከኪያ ኡራይ ናሼቻን ከካናው ቤሴ።

9 ሂንቴንቱ ሲቁ አሳ ቤሳናው ሲቁቲያዋ ጊዳናው ቤሴና። ኢታባ ኢዲቴ፤ ሎዖባ ሚኒሲዴ ኦይቂቴ። 10 ኢቱ ኢቱዋና ኢሻቱዋዳን ሲቁቲቴ፤ ኢቱ ኢቱዋ ቦንቺያዋን ናሼቲቴ። 11 ሚኒዴ ኦሊቴ፤ አዛሎፒቴ፤ ሂንቴ ኩሜንላ ዋዛናፔ ጎዳው ኦሊቴ። * 12 ያሳይ ሂንቴንቶ ኢማና ጌዳዋን ናሼቲቴ፤ ዋዪያን ጌንጨቴ። ኡባ ዋዴ ያሳ ዋሲቴ፤ 13 ያሳ አሳቱዋ ኮሺያባን ማዲቴ፤ ኢማላ ዋሲቴ።

14 ሂንቴንታ ዩዳርሲያዋንታ አንጂቴ፤ አንቱንታ አንጂቴፔ አቲን፣ ሸቆፒቴ። 15 ናሼቲያዋንቱና ናሼቲቴ፤ ዩኪያዋንቱናካ ዩኪቴ። 16 አሳ ኡባው ኢቲ ማላ ቆፋ ቆፒቴ፤ ኦሊያባን ኡባን ሂንቴንታ ቶቺዴ ዴዲቴፔ † አቲን፣ ኦቶሬቶፒቴ፤ ሂንቴንታ ሂንቴሬካ አፉ ኤራንቻ ጊዴ ቆፖፒቴ።

17 ኦኒኔ ሂንቴንቶ ኢታባ ኦላፔ፣ ሄ ኡራው ኢታባ ኦሊ ዛርፒቴ፤ አሳ ኡባው ሎዖባ ኦላናው ቆፒቴ። 18 አሳ ኡባና ሳርቴላን ዴዳናው፣ ሂንቴ ባጋና፣ ሂንቴንቶ ዳንዳዩቴዳባ ኡባ ኦሊቴ። 19 ታናዳን አማኒያዋንቶ፣ ሂንቴ ሂንቴ ሁጳው አሳው ሃሉዋ ከሶፒቴ። ያሳይ ሃሉዋ ከሳናዳን፣ አ ቦላ ኦሊቴ። አዪሲ ጎፔ፣ ያሳ ማፃፋይ፣

«ጎዳይ፣ ሓኒ ሃሉዋ ከሳና፤ ታኒ ኮሺያ ጨጋና ጌ»

ያጌ።

20 ሺን ያሳ ማፃፋይ፣

«ኔ ዋርኪ ኮሻቶፔ፣ ሚዛ።

ሳሜቶፔ፣ ኡሻ።

አዪሲ ጎፔ፣ ኔኒ ሄዋ ኦሊያዋን

አ ዳሪሳ ዩሊያሳ»

ያጌ።

21 ኢታባ ሎዖባን ያናፔ አቲን፣ ኢታባይ ኔና ያናፖ።

13

ጋዲያ አዪሲያዋንቱሲ ኤኖ ጋናው ቤሴ

* 12:11 ኩሜንላ ዋዛናፔ ጎዳው ኦሊቴ፣ ጌሻ ኣያናኒ ካሌሴቲዴ ኪቴቲያዋንታ ጊዲቴ። † 12:16 ሂንቴንታ ቶቺዴ ዴዲቴ፣ አሺኬ ጊዲቴ ጉሳ። 12:16 ለም 3:7 12:19 ዛር 32:35 12:20 ለም 25:21-22

1 አሳይ ኡባይ ጋዲያ አዩሲያዋንቱሲ ኤኖ ጋናው ቤሴ፤ አዩሲ ጎፔ፣ ያሳይ ጌናን ዳዒሺን፣ ጋዲያ አዩሲያዊ ዳዒናው ዳንዳዬና። ሃዒ ዳዒያ አዩሲያዋንቱካ ያሳይ ዋሌዳዋንታ። 2 ሃዋ ዲራው፣ ሃዒ ዳዒያ አዩሲያዋንታ ኢዲያ ኦኒኔ ያሳ አዛዙዋ ኢዳ፤ ባሬ ቦላ ፐርዳ አሄ። 3 አዩሲ ጎፔ፣ አዩሲያዋንቱ ኢታባ ኦሌያዋንታ ያሻናዋፔ አቲን፣ ሎዖባ ኦሌያዋንታ ያሸኪኖ። አዩሲያዋ ያዬናን አጋናው ኮያይ? ያቶፔ ሎዖባ ኦላ፤ ኢ ኔና ጋላታና። 4 አዩሲ ጎፔ፣ ኢ ኔው ሎዖባ ኦላናው፣ ያሳው ቆማ። ሸን ኔኒ ኢታባ አላፔ፣ ኢታባ ኦሌዳዋ ኢ ሴሪያ ዲራው፣ አው ያያ፤ ኢ ያሳ ቆማ። ቃሲ ኢታባ ኦሌያዋንቱ ቦላ ያሳ ሃንቁዋ ኢ አሄ። 5 ሃዋ ዲራው፣ ጋዲያ አዩሲያዋንቱሲ ኤኖ ጊያዌ ያሳ ሙራ ያላላሳ ጊዴናን፣ ሂንቴንቱ ዋዛና ቆፋ ዲራውካ ኤኖ ጋናው ቤሴ።

6 አዩሲ ጎፔ፣ ጋዲያ አዩሲያዋንቱ ባሬንቱ ኦሱዋ ኦሌያ ዋዴ፣ ያሳው ኦሌያ ዲራው፣ ሂንቴ ቃራዳ ቃንዲያዌ ሃዋሳ። 7 ኡባ አሳውካ ቤሲያዋ ኢሚቴ። ጌራ ጌራናው ቤሲያዋ ጌሪቴ፤ ቃራዳ ቃንፃናው ቤሲያዋ ቃንፃቴ፤ ያያናው ቤሲያዋ ያዩቴ፤ ቦንቹ ቤሲያዋ ቦንቹቴ።

ኢቱ ኢቱዋና ሲቁቲቲ

8 ሂንቴንቱ ኢቱ ኢቱዋና ሲቁታናፔ አቲን፣ ሃራ አጩ ኦ ቦላኒኔ ዳዖ። አዩሲ ጎፔ፣ ሃራ ሲቁያ ኦኒኔ ሂጊ ጊያዋ ፖሌዳ። 9 «ዋሹዋፓ፤ ዋዶፓ፤ ዉዖፓ፤ አሳባ አሞቶፓ» ጊያ አዛዛቱኔ ሃራ አዛዛቱ ኡባቱ፣ «ኔ ሸሩዋ ኔ ሁጲያዳን ሲቃ» ጊያ አዛዙዋን ኩሚና። 10 ባሬ ሸሩዋ ሲቁያ ኦኒኔ አው ኢታባ ኦሌና፤ ሃዋ ዲራው፣ ሸሩዋ ሲቁያዌ ሂጊያ ኡባው ኤኖ ጊያዋ።

11 ጌሚቡሹዋፔ ሂንቴ ቤሳቲያ ሳቲ ሃዒ ጋኬዳ ዲራው፣ ሃ ዋዲያ አከኪቴ። አዩሲ ጎፔ፣ ኦኒ ኮይሮ አማኔዳ ዋዲያፔ፣ ኦኒ አቲያ ዋዲ ሃዒ ኦኮ ማታቴዳ። 12 ቃማይ አዳናው ሃኔ፤ ጋላሳይ ማታቴዳ። ሲሚ ኦኒ ዱማ ኦሱዋ አጊዴ፣ ፖቡዋን ኦሌታናው፣ ኦላ ሚሻ ማዮይቴ፤ 13 ጋላሲ ፖቡዋን ዳዒያ አሳዳን፣ ኦኒ ማራ ዳዖይቴ። ዬላኒኔ ማሉዋን ጊዶ፤ ዋሹሙሳኒኔ ዋሹማናው ካጄሎሳና ጊዶ፤ ፓሉማኒኔ ቃናቲያን ጊዶ። 14 ሸን ጎዳ ዬሱሲ ኪሪሰቶሳ፣ ኦላ ሚሻ ኦ ማዩቴ፤ ሂንቴ ናጋራንቻ አሳቴላይ ባሬ ዋዛና አሙዋ ፖላናዳን፣ አው ቆፖፒቴ።

13:9 ኬስ 20:13-15፣ 17፣ ዛር 5:17-19፣ 21፣ ዋግ 19:18

14

እሳ ቦላ ፐርዳናን አጉሳ

1 አማኑዋን አዛሊያ ኡራ ሺሺ አከቱ። ሺን ኢ ባሬ ሁጵው ቆፐያባን አናና ፓሉሜቶፐቲ። 2 ኢቲ ኡራ አማኑ ኢ አያ ሚናኔ ዲጌና። ሺን አማኑዋን አዛሊያ ኡራይ ጋዴን ሞኬዳባ ዓላላ ሜ። 3 ኡባባ ሚያ ኡራይ ኡባባ ሜና ኡራ ካጵፖ፤ ኡባባ ሜና ኡራይካ ኡባባ ሚያ ኡራ ቦላ ፐርዳፖ። አዪሲ ጎፔ፣ ያሳይ አ ሺሺ አከዳ። 4 ሃራ እሳ ቆማ ቦላ ፐርዲያዌ ኔኒ ኦኔ? ኢ ኩንዲና ዋይ ዴንዲና ባሬ ጎዳሳ፤ ሺን ጎዳይ አ ዴንፋናው ዳንዳዪያ ዲራው፣ ኢ ኤቃና።

5 ኢቲ ኡራይ፣ «ሂቃ ጋላሳይ ሃራ ጋላሳቱዋፔ አጼ» ያጌዴ ቆፐያ ዋዴ፣ ሃራይ፣ «ኡባ ጋላሳቱካ ኢቲ ማላ» ጌዴ ቆፔ። አሳይ ኡባይ ሁጲያን ሁጲያን ሄዋዳን አዪሲ ቆፐንቶ አከኮ። 6 ኢቲ ጋላሳ ሃራ ጋላሳቱዋፔ አሊዴ ቦንቺያ ኡራይ ጎዳ ቦንቺ ቦንቺ፤ ቁማ ሚያ ኡራይካ ጎዳ ቦንቺ ሜ። አዪሲ ጎፔ፣ ኢ ሄ ቁማ ዲራው፣ ያሳ ጋላቲ። ቁማ ሚናዌካ ጎዳ ቦንቺ ሜናን አጌዳ፤ ቃሲ ያሳ ጋላቲ። 7 አዪሲ ጎፔ፣ ኑፔ ኦኒኔ ባሬ ሁጵ ዓላላው ዴዴና፤ ቃሲ ኦኒኔ ባሬ ሁጵ ዓላላው ሃይቁና። 8 ኑኒ ፓዓ ዴፖፔ፣ ጎዳው ዴዴቶ፤ ቃሲ ሃይቆፔካ፣ ጎዳው ሃይቁቶ። ሲሚ ኑኒ ፓዓ ዴፖፔ ዋይ ሃይቆፔካ ጎዳሳ።

9 ሄዋ ዲራው፣ ከሪሰቶሲ ፓዓ ዴዲያዋንቶኔ ሃይቁዳዋንቶ ጎዳ ጌዳናው ሃይቁዳ፣ ሃይቁዋፔ ዴንዴዳ። 10 ያቲና፣ ኔኒ ኔ አሻ ቦላ አዪሲ ፐርዳይ? ዋይ ኔኒ ኔ አሻ አዪሲ ካጵይ? ኑኒ ኡባይካ ያሳ ፐርዳ ኦይዲያ ሲንፋን ኤቃና። 11 አዪሲ ጎፔ፣ ያሳ ማዓፋይ፣ « ታኒ ጎዳይ ታ ዴዑዋን ጫቃይ፤

አሳይ ኡባይ ታ ሲንፋን ጉልባታና።

ቃሲ ታኒ ያሳ ጌዲያዋ

አሳይ ኡባይ ማርካታና) ያጋይ»

ያጌ። 12 ሲሚ ኑኒ ሁጲያን ሁጲያን ኑባ ያሳው ኦዳና።

ናጋራ ኦሱዋሲ ጋሱዋ ጌደፓ

13 ሄዋ ዲራው፣ ኑኒ ኢቲ ኢቲዋ ቦላ ፐርዲያዋ ሃዋፔ ሲንፋው አኔ አጎይቲ። ሺን ኡባፔ አሊዴ፣ ሂንቲ አሻ ጱቢያባ ዋይ ናጋራን ኦሊያባ ኦፊናዳን ቆፋ ቃቺቲ። 14 ታኒ ጎዳ ዩሱሲ ከሪሰቶሳና ዴዲያዋን፣ ባሬ ሁጵው ቱና ጌዲያባይ ባይናዋ ኤራይኔ አከካይ። ሺን ኢቲ ኡራይ ኢቲባ ቱና ጌዴ ቆፖፔ፣ ሄዌ እው ቱና ጌዴ። 15 ኔኒ ሚያባ ዲራው፣ ኔ አሻ ቆሆፔ፣ ሲሚ ኔኒ ሲቁዋን ዴዓካ።

14:11 እሳ 45:23

ኪሪስቶስ ኣ ዲራው ሃይቄዳ ኣሳ ኔ ሚያ ቁማን ባዩዘ፡፡
16 ሲሚ ኔኒ ሎዖባ ጊያዋ ኣሳይ ካጵ፡፡ 17 ኣዩሲ ጎፔ፡ ያሳ ካወቴሳይ ጌሻ ኣያናይ ኢሚያ ዒሎቴሳ፡ ሳርቴሳኔ ናሽቻ ጊዲያዋፔ ኣቲን፡ ሙሳኔ ኡሻ ጊዴና፡፡ 18 ኣዩሲ ጎፔ፡ ኪሪስቶሳው ሃዋዲን ኦሲያ ኡራይ ኦኒኔ ያሳ ናሽቹ፤ ኣሳይካ ኣ ጋላቴ፡፡

19 ያቶፔ፡ ኣኔ ኩኒ ሳርቴሳ ኣሂያባኔ ኩና ኢቱዋ ኢቱዋና ሚኒሲያባ ኡባ ኮዬቶ፡፡ 20 ያሳ ኦሱዋ ቁማ ዲራው ባዩዘ፡፡ ቁማይ ኡባይ ጌሻ፤ ሺን ሃራ ኡራ ናጋራን ዩጊያዋ ሙሳይ ኢታ፡፡ 21 ሄዋሲ ኣሽዋ ማናን ዋይ ኡሻ ኡሼናን ኣጊያዌ ዋይ ኔ ኢሻ ጱቢያባ ኣያኔ ኦሴናን ኣጊያዌ ሎዓ፡፡

22 ሃ ዩወዋን ኔ ኣማኑዋ ኔፔኔ ያሳፔ ጊዲያን ናጋ፡፡ ኢቲ ኡራይ ሎዓ ጊዴ ኢ ኣማኔቴዳዋ ኦሲያ ዎዴ፡ «ታኒ ሎዑዋ ኦሳዲ» ጊዴ ባሬ ዎዛናኒ ኣማኔቶፔ፡ ሄ ኡራይ ቱሙ ኣንጃቴዳዋ፡፡ 23 ሺን ኢ ሄ ሚያባን ሲጵፔ፡ ኣ ሙሳይ ኣማኑዋና ጊዴና ዲራው፡ ያሳይ ኣ ቦላ ፒርዴ፤ ቃሲ ኣማኑ ባይናን ኦሴዳዌ ኣያዩኔካ ናጋራ፡፡

15

ኣሳ ናሽቻናው ቤሲያ ኦጊያ

1 ኩኒ ኣማኑዋን ሚኔዳዋንቱ ዳቡራንቻቱዋ ቶኩዋ ቶካናው ቤሴ፤ ኩኒ ኑ ያላላ ናሽቻናው ቤሴና፡፡ 2 ኩኒ ሁጲያን ሁጲያን ኑ ኢሻ ማዳናው፡ ኣማኑዋን ኣ ሚኒሳናዉኔ ናሽቻናው ቤሴ፡፡ 3 ኣዩሲ ጎፔ፡ ሃራይ ኣቶ ኪሪስቶሲካ ባሬና ናሽቹቤና፡፡ ሺን ያሳ ማፃፋይ፡ «ኔና ቦሬዳዋንቱ ቦሬዳ ቦሬ ታ ቦላ ዎዴዳ» ጌዳዋዳን ሃኔዳ፡፡

4 ያሳ ማፃፋይ ኩሲ ኢሚያ ጌንጫኒኔ ሚናታን ኩኒ ዳማና ጊዴ ናሽቻን ናጊ ኡቴዳዌ ዳዓና ማላ፡ ያሳ ማፃፋን ፃፊቴዳ ኡባባይ ኩና ታማርሳናው ፃፊቴዳ፡፡

5-6 ሂንቴንቱ ኡባይ ኢቲ ዎዛና ጊዲዴ፡ ኢቲ ቃላን ያሳ፡ ኑ ጎዳ ዩሱሲ ኪሪስቶሳ ኣወዋ፡ ቦንቻና ማላ፡ ጌንጩዋኔ ሚናቴሳ ኢሚያ ያሳይ፡ ሂንቴንቶ ኪሪስቶሲ ዩሱሲ ኦሴዳዋዳን፡ ኢቱ ኢቱዋና ኢቲፔ ዳዒያ ኢቲ ቆፋ ኢዎ፡፡

ጳውሎሳ ኦሱዋኔ ኣማኔና ኣሳው ጋኬዳ ሚሺራቹዋ ቃላ

7 ሄዋ ዲራው፡ ኪሪስቶሲ ሂንቴንታ ዋኬዳዋዳን፡ ያሳ ቦንቻ ኢቱ ኢቱዋ ዋኪቴ፡፡ 8-9 ኣዩሲ ጎፔ፡ ያሳይ ኣማኔቴዳዋ ጊዲያዋ ኤሪሳናው፡ ያሳይ ኣዎቶ ኢማና ጌዳዋ ቱማናናዉኔ ኣዩሁዳ ጊዴና

አሳይ ያሳ አ ማሮቴላ ዲራው ሰንቻናው ኪሪሰቶሲ አዪሁዳቶ ቆማ ጊዳዳዋ ሂንቴንቶ ኑዳይ። ሄዋ ያሳ ማፃፋይ፡

«ሄዋ ዲራው፡ ታኒ ኔና አዪሁዳ ጊዳና አሳ ጊዳን ጋላታና፤ ኔ ሱንላካ ሳባና»

ያጌ።

10 ቃሲካ፡

«አዪሁዳ ጊዳና አሳቶ፡ ያሳ አሳቱዋና ናሼቲቴ»

ያጌ።

11 ቃሲካ ጉጂዳ፡

«ሂንቴንቶ፡ አዪሁዳ ጊዳና አሳቶ ኡባቶ፡ ጎዳ ጋላቲቴ፤ አሳው ኡባው፡ አ ጋላቲቴ»

ያጌ።

12 ቃሲካ ኢሲያሲ፡

«ኢሴይ ዜሪላይ ዪዳ አዪሁዳ ጊዳና አሳ ሞዳናው ዳንዳና።

ቃሲ ኡንቴንቲ አ ባጋና ዳማና ጊዳ ናሼቻን ናጋና»

ያጌ።

13 ሂንቴንቲ አካና ጊዳ ናሼቻን ናጊያዌ ጌሻ አያና ዎልቃን ዲጫናዳን፡ ሂንቴንቶ ኢማና ጌዳ ያሳይ፡ ሂንቴ አ አማኒያ ዲራው፡ ሂንቴንቶ ናሼቻኔ ሳሮቴላ ኩንሊዳ ኢሞ።

ጳውሎሲ ፃሊዳ ፃፊዳ ጋሱዋ

14 ታናዳን አማኒያዋንቶ፡ ሂንቴንቲን ሎዎቴላይኔ ኤራቴላይ ኡባይ ኩሜዳዋኔ ቃሲ ኢቱ ኢቱዋ ዞራናው ዳንዳዪያዋ ታኒ ታ ሁጳው ኤራዲ። 15-16 ሺን ታኒ ሂንቴንታ ኢቲባ ኢቲባ ጉጂ ቆፊሳናው፡ ሃ ዳቢዳቢያ ጊዳን አይኔ ያዬናን ሂንቴንቶ ፃፋዲ። ታኒ ኪሪሰቶሳ ዩሱሳ ቆማ ጊዳዳ፡ አዪሁዳ ጊዳና አሳው ኦላናዳን፡ ያሳይ ታው አጵ ኬካቴላ ኢሜዳ ዲራው፡ ታኒ አይኔ ያያቤይኬ፤ አዪሁዳ ጊዳና አሳይ ጌሻ አያና ባጋና ያሳው ጌሻ ጊዳዳ፡ አ ናሼቻያ ያርሹዋ ጊዳናዳን፡ ያሳ ዎንጋላ ሚሺራቹዋ ኦዲያዋን ጌሻቴላን ኦላይ።

17 ሄዋ ዲራው፡ ታኒ ኪሪሰቶሳ ዩሱሳን ጊዳዳ ያሳው ኦሊያባን ጩቄታናው ዳንዳያይ። 18-19 አዪሁዳ ጊዳና አሳይ

15:8-9 2ሳሞ 22:50፤ ማዝ 18:49 15:10 ዛር 32:43 15:11 ማዝ 117:1 15:12 ኢሳ 11:10

ያሳው አዛዘታናዳን፣ ኪሪስቶስ ታ ባጋና ቃላን፣ ኦሱዋን፣
 ማላን፣ ማላታ ዋልቃኒኔ ገሻ አያና ዋልቃን ኦሌዳዋ ዓላላ ታኒ
 ኦዳናፔ ኦቲን፣ ሃራባ ኦዳናው ዓሊኬ። ሄዋ ዲራው፣ ዩሩሳላሜፔ
 ደማዴ፣ ኢሊዋሪቆና ጌቲቲያ ጋዲያ ጋካናው ዩያዴ፣ ኪሪስቶሳ
 ዋንጋላ ሚሺራቹዋ ዉርሳ ኦዳዲ። 20 ሃዋዳንካ፣ ታኒ ሃራ
 ኦሳይ ደሜዳዋ ቦላን ደሜናዳን፣ ኪሪስቶሳ ሱንሳይ ያሴቲቤናሳን
 ዋንጋላ ሚሺራቹዋ ኦዳናው አዋታዲ። 21 ሺን ያሳ ማፃፋይ፣
 «አባይ ሃዋ ጋካናው ኦዴቲቤናዋንቱ አ ቤዓናዋንታ፤
 ቃሲ አባ ሲሲቤናዋንቱ አከካናዋንታ»
 ያጌ።

ጳውሎስ ሮሜ ባናው ቆፕዳ

22 ሄዋ ዲራው፣ ታኒ ጮራ ዋዴ ሂንቴንቱኮ ያናው ኮያይ፤
 ሺን ያናው ዳንዳያቤይኬ። 23 ሺን ታኒ ሃዲ ሃ ሄራን ታ ኦሱዋ
 ዉርሴዳ ዲራውኔ ጮራ ላይላፔ ደማዴ ሂንቴንታ ባዴ ቤዓናው
 ላዋቲዳ ዲራው 24 ሃዲካ ሂንቴንቱኮ ባና ጋዴ ቆፓይ፤ ታኒ
 ኢሲፔኔ ጌቲቲያ ጋዲያ ባዴ ሂንቴንታ ቤዓናው ኮያይ፤ ቃሲ
 አማራዳ ዋዲያ ሂንቴንታ ቤዓዴ ናሼቶዋፔ ጉዬያን፣ ኢሲፔኔ
 ቢሺን፣ ሂንቴ ታና ማዳና ማላ ኮያይ።

25 ሺን ሃዲ ታኒ ያሳ አሳቱዋ ማዳናው፣ ዩሩሳላሜ ባይ።
 26 አዪሲ ጎፔ፣ ማቁዳኒያኔ አካዪያ ጌቲቲያ ጋዲያን ዴዒያ
 ዋሳ ጎሌ አሳቱ ዩሩሳላሜን ዴዒያ ሂዬሳቱዋሲ ሚሻ ኢማናው
 ኮዬዲኖ። 27 ኡንቱንቱ ባሬንቱ ሁጾው ሃዋ ኦሳናው ቆፋ ቃቹዲኖ።
 ኡንቱንቱ ሄ ሂዬሳቱዋ ማዳናዊ ኡንቱንቶ አጩ ዴዒ፤ አዪሲ
 ጎፔ፣ አዪሁዳቱ ባሬንቱ አያና አንጂዋ አዪሁዳ ጊዴና አሳቱዋና
 ሻኬዳዋ ጊደፔ፣ አዪሁዳ ጊዴና አሳቱካ ቃሲ ባሬንቶ ዴዒዳባን
 አዪሁዳቱዋ ማዳናው ቤሴ። 28 ሄዋ ዲራው፣ ታኒ ሃ ኦሱዋ
 ዉርሴዳዋፔ ጉዬያኒኔ ኡንቱንቶ ሸቄዳ ሚሻ ኡባ ኢሜዳዋፔ
 ጉዬያን፣ ኢሲፔኔ ባዴ ሂንቴ ማታና አጳና። 29 ታኒ ሂንቴንቱኮ
 ቢያ ዋዴ፣ ኪሪስቶሳ አንጂ ታናን ኩሚና ባናዋ ኤራይ።

30 ታናዳን አማኒያዋንቶ፣ ታው ያሳ ሂንቴ ዋሲዴ፣ ዋሳን
 ሂንቴ ታናና ሚናናዳን፣ ጎዳ ዩሱሲ ኪሪስቶሳ ባጋናኔ ገሻ አያናይ
 ኢሚያ ሲቆቲላን ታኒ ሂንቴንታ ዋሳይ። 31 ታኒ ዪሁዳን ዴዒያ
 አማኔናዋንቱፔ አታናዳኒኔ ቃሲ ታኒ ዩሩሳላሜን ኦሊያ ኦሱ ያኒ
 ዴዒያ ያሳ አሳቱዋ ናሼቹያዋ ጊዳናዳን፣ ያሳ ዋሲቱ። 32 ቃሲ
 ያሳይ ጎፔ፣ ታኒ ሂንቴንቱኮ ናሼቻን ባዴ፣ ሂንቴ ማታን ሸዎፓና።
 33 ሳሮቲላ ያሳይ ሂንቴንቱና ኡባና ጊደ። አሜንዒ።

16

ሳርታ

1 ኪንኪሪያ ጌቲቲያ ካታማን ዳዒያ አማኒያ አሳና ኦሊያ ኑ ሚቻታ ፔባ ሎዖ ማጫ አሳ ጊዲያዎ ታኒ ሂንቲንታ ኤሪሳይ።

2 ሂንቲንቲ ኢዞ ጌሻቱ ጎዳ ሱንፋን ሞኪያዎዳን ሞኪቲ፤ ቃሲ ኢዞ ሂንቲንቲ፤ ኮዪያዌ አያ ጊዶፔካ፤ ኢዞ ማዲቲ፤ አዪሲ ጎፔ፤ ኢዞ ባሬ ሁጹው ጮራ አሳ ማዳው፤ ቃሲ ታና ታ ሁጹወካ ዳሪሳ ማዳው።

3 ኪሪሰቶሳ ዩሱሳ ኦሱዋ ታናና ኢቲፔ ኦሊያ ጲሪሰቁሊሲኔ ኢዚ አሲና አቁላሲ ታ ሳርቶዎ ኦዲቲ። 4 ኡንቲንቲ ታ ሸምፑዎ ዲራው፤ ባሬንቲ ሸምፑዎ አሏ ኢሜዲና። ኡንቲንታ ታ ፃላላ ጊዳናን፤ አዪሁዳ ጊዳና አሳ አማኒያ አሳይ ኡባይካ ጋላቲ። 5 ቃሲ ኡንቲንቲ ጎሊያ አማኒያ አሳይ ሸቂያሳ ኡዲዴ ጋኬቲያ አሳ ኡባ ሳር ጊቲ። ኢሲያ ጋዲያን ኪሪሰቶሳ ኮይሮ አማኔዳ ታ ሲቂያ ኤፓኔቶሳው፤ ታ ሳርቶዎ ኦዲቲ። 6 ሂንቲንቶ ሎይላ ዳቡሬዳ ማይራዎ ሳርቲቲ። 7 ታናና ቃሻ ጎሌን ዳዔዳ ታ ዳቦ ጊዳዳ አዪሁዳቲዎ፤ አንዲርኒቆሳኔ ዩኒያሳ ሳርቲቲ። ዩሱሲ ኪቲዳዎንቲ ጊዶን ኡንቲንቲ ሎይላ ኤሬቲዳዎንታ። ቃሲ ኡንቲንቲ ኪሪሰቶሳ ታፔ ካሲና አማኔዲና።

8 ጎዳና ኢቲፔቲላን ዳዒያ ታ ሲቆ ሳጊያ አምፕሊያቶሳው ታ ሳርቶዎ ኦዲቲ። 9 ኪሪሰቶሳ ኦሱዋ ኑናና ኢቲፔ ኦሊያ ኡርባናሳኔ ታኒ ሲቂያ ኢሰፃኩሳ ሳርቲቲ። 10 ኪሪሰቶሳና ኢ ዳዒያዌ ኤሬቲና ፓጪያ ፆኔዳ አጸሊሳው ታ ሳርቶዎ ኦዲቲ፤ አሪሰፖቢሎሳ ሶይ አሳወካ ታ ሳርቶዎ ኦዲቲ። 11 ታ ዳቦ ጊዳዳ አዪሁዳዊያ ሄርዲዮናኔ ኪሪሰቶሳ አማኒያ ናርሲሴሳ ሶይ አሳ ሳርቲቲ።

12 ጎዳ ኦሱዋን ዳቡሪያ ቲሩፋይናኔ ቲሩፎሶ ጌቲቲያ ማጫዎንታ ሳርቲቲ፤ ቃሲ ጎዳው ዳሮ ዳቡራዴ ኦሊያ ሲቂያ ፔርሲሶ ሳርቲቲ። 13 ጎዳ ኦሱዋን ሎይላ ኤሬቲዳ ሩፎሳዬወኔ ታና ባሬ ናዒዳን ማዴዳ ኦ ዳዪው ታ ሳርቶዎ ኦዲቲ። 14 ታ ሳርቶዎ አሲንኪራቶሳው፤ ፕሌጎናው፤ ሄርሜሳው፤ ፓቲሮባሳወኔ ኡንቲንቲና ዳዒያ አማኒያ ኢሻቲዎ ኡባው ኦዲቲ። 15 ፕሌጎና፤ ዩሎ፤ ኔሪያ፤ አ ሚቻቶ፤ ኦሎምፖሳኔ ኡንቲንቲና ዳዒያ ያሳ አሳቲዎ ኡባ ሳርቲቲ።

16 ጌሻ አሳው ቤሲያ ዩሬታ ዩሬቲዴ፤ ኢቲ ኢቲዎ ሳርቲቲ፤ ኪሪሰቶሳን አማኒያዎንቲ ኡባቲ ሂንቲንታ ሳር ያፕዲና።

ወርሴላ ዞሪያ

17 ታናዳን አማኒያዎንቶ፡ አሳ ጊደን ሻኮቴላ ሜዲያዎንታ፡ አሳ አማኖ ዲቦ ጊዲያዎንታኔ ሂንቴ ታማሪዳ ቲሚርቲያና ጋኬቴናዎ ታማሪሲያዎንታ ኣኬካናዳን፡ ታኒ ሂንቴንታ ዎሳይ። ኡንቴንቴኮ ሺቆፒቴ። 18 ኣዩሲ ጎፔ፡ ሄዎ ማላባ ኣሊያዎንቱ ባሬንቴ ኡሉዋሲ ኣሊኖፔ ኣቲን፡ ኑ ጎዳ ዩሱሲ ኪሪሰቶሳው ኣሊኪኖ፤ ባሬንቴ ላቢያ ሃሳያኒኔ ቁዲያን ኢታባ ቆፔና አሳ ዎዛና ባሌሊኖ። 19 ዎንጋላው ሂንቴ ኣዛዜቴዳዎ አሳይ ኡባይ ሲሴዳ። ሄዎ ዲራው፡ ታኒ ሂንቴባን ናሼታይ፤ ሺን ሎዎቴላው ሂንቴ ኣዲዳ ኤራንቻ ጊዳናዳኒኔ ቃሲ ኢታባው ኣሺኬ ጊዳናዳን ኮያይ። 20 ሳርቴላ ያሳይ ሴዓና ሂንቴ ጌዲያፔ ጋርሳና ሃኬና ማታ ዎዴ ጋጫና።

ኑ ጎዳ ዩሱሲ ኪሪሰቶሳ አዶ ኬካቴላይ ሂንቴንቴና ጊደ።

21 ታናና ኣሊያ ዲዎቶሴ ሂንቴንታ ሳር ያጌ፤ ቃሲ ሃዎዳንካ፡ ታ ዳባቱ ሉቂዮሲ፡ ያሶኒኔ ሶሲዳዊርሲ ሂንቴንታ ሳር ያጊና።

22 ታኒ፡ ፃርዲዮሲ፡ ሃ ዳቢዳቢያ ፃፊዳዌ፡ ሂንቴንቶ ጎዳ ሱንላን ሳርታ ኪታይ።

23 አማኒያ አሳይ ኡባይ ኣ ሶዩን ሸቁያ ታ ሲራ ጋዮሲ ሂንቴንታ ሳር ያጌ፤ ካታማ ሚሻ ኦይቁያ ኤራሰዎሲኔ ኑ ኢሻይ ቁዋርዎሲ ሂንቴንታ ሳር ያጊና። 24 ኑ ጎዳ ዩሱሲ ኪሪሰቶሳ አዶ ኬካቴላይ ሂንቴንቴና ኡባና ጊደ። አሜንዒ።

25 ኑኒ ያሳ ጋላቴቶ። ታኒ ዎንጋላ ባጋና ዩሱሲ ኪሪሰቶሳባ ኦዴዳዎዳኒኔ ዳር ዎዲያፔ ጌሚዴ፡ ሃዒ ቆንጩዳ ቲማቴላዳን፡ ሂንቴ አማኑዎን ሂንቴንታ ያሳይ ሚኒሳናው ዳንዳዬ። 26 ሺን ሃዒ ናባቱ ፃፊዳዎ ባጋና ቲማቴላይ ቆንጩያን ኤሬታናዳን ኦሌዳ፤ ቃሲ አሳ ኡባይ ያሳ አማኒዴ ኣዛዜታናዳን፡ ሜዲና ያሳ ኣዛዙዎን፡ ሃ ኣላሚያን ዴዒያ አሳ ዜሬላ ኡባው ቆንጩዳ።

27 አዴዳ ኤራቴላይ ኣ ፃላላው ዴዒያ ኢቲ ያሳው ዩሱሲ ኪሪሰቶሳ ባጋና ሜዲናው ቦንቹ ጊደ። አሜንዒ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c